

四庫全書

子部

欽定四庫全書

子部

御定淵鑑類函卷二百五十八

詳校官內閣學士臣尹壯圖

主事臣祁韻士覆勘

總校官進士臣繆 瑒

校對官編修臣吳省蘭

謄錄監生臣繆 澹

欽定四庫全書

御定淵鑑類函卷二百五十六

人部十五

醜婦人
短小人

長大人

醜婦人一

增說文曰仳倕醜面也

通俗文曰不媚曰媼

音畜

可惡

曰媼

音怪

大醜曰奎

音驚

醜稱曰媼

與媼同

周易曰老婦士

夫亦可醜也

焦贛易林復之蒙曰鵬鷯娶妻深目窈

斗折腰不媚與伯相負

醜婦人二

增軒轅本紀曰黃帝納醜女號嫫母使訓宮人而有淑
德奏上德之頌帝周游行時元妃嫫祖死于道令次妃
嫫母監護于道以時祭之因以嫫母為方相氏 淮南
子曰嗟朕哆嗚遽除戚施雖粉白黛黑弗能為美者嫫
母仇雠也注仇雠古之醜女 列女傳曰齊鍾離春者
齊無鹽邑女也凹頭深目長肚大節印鼻結喉肥項少
髮折腰出胸皮膚若漆行年四十無所容入銜嫁不售

于是拂拭短褐自謁齊王齊王方宴于漸臺左右聞之掩口大笑曰此天下強顏女子也宣王召見揚目銜齒謂有四始宣王喟然而歎納之為后 韓詩外傳曰齊

王厚送女欲妻屠牛吐屠牛吐辭以疾其友曰子終死腥臭之肆而已乎何為辭之吐應之曰其女醜其友曰子何以知之吐曰以吾屠知之其友曰何謂也吐曰吾肉善如量而去苦少耳吾肉不善雖以他附益之尚猶不售今厚送子子醜故耳其友後見之果醜傳曰目如

擗杏齒如編蟹

列女傳曰齊孤逐女者孤無父母其

狀甚醜三逐于鄉五逐于里過時無所容乃造襄王之

門而請見王輟食而起左右曰三逐于鄉者不忠五逐

于里者少禮何足為貴王曰子不識也夫牛鳴而馬不

應者異類故也其人必有與人異者遂見與之語而悅

之遂以為齊相妻 莊子曰陽子之宋宿于逆旅人有

妾二人其一人美其一人惡惡者貴而美者賤陽子問

其故逆旅小子對曰其美者自美吾不知其美也其惡

者自惡吾不知其惡也陽子曰弟子記之行賢而去自
賢之行安往而不愛哉東觀漢記曰梁鴻同郡孟氏
其女名光狀貌醜而黑能舉石臼擇對不嫁年三十鴻
聞聘之

醜婦人三

原勃脣

龐廉

楚辭西施媢媢而不對嫫母勃脣而日侍又曰瑤璋雜于甌室龐廉與孟陬

同宮舉世以為恒俗固將愁苦

誕女

亮妻

世說王廣娶諸

葛誕女入室言語始交王語婦曰神色卑下殊不似公休婦曰大丈夫不能髣髴彥雲而令婦人比踪英傑

習鑿齒襄陽記黃承彥謂孔明曰君擇婦身有醜女黃頭黑色而才堪相配君子孔明許焉載送之時人以爲

笑樂鄉里爲之諺曰莫作

印鼻宿瘤

上齊鍾離事見二列女

孔明擇婦正得阿承醜女

傳齊宿瘤女者齊東郭採桑之女

惠妃允婦

王隱晉書

閔王后也項有大瘤故號宿瘤

武帝爲太子納妃謀久不決上欲娶衛瓘女楊后欲娶賈克女上曰衛公女有五可賈公女有五不可衛家種

賢而多子端正而長白賈家種妬而少子醜而短黑也

郭子許允婦阮德如妹奇醜交禮竟許不復入桓範

勸曰阮嫁醜女于卿故當有意許便回入內見婦即欲

出婦便捉裾停之許因謂曰婦有四德卿有其幾婦曰

新婦所乏惟容耳然士有百行君有其幾許曰皆備

婦曰君好色不好德何謂皆備許有慚色遂相敬重

效顰擊耳

莊子西施病心而顰其里之富人見之堅閉之歸亦捧心而顰其里之富人見之堅閉

門而不出貧人見挈妻子而去之彼知美贖而不知贖之所以美也下見登徒子賦

增猴面

鹿頭

偃肩瞠腹

上見劉思真醜女賦朝野僉載兵部郎中朱凝妻有美色洛中殖業坊

酒家有婢蓬頭垢面偃肩瞠腹陋惡舉世所無朱悅之忘寢食

醜婦人四

增嫖母倭傀

四子講德論曰嫖母倭傀善譽者不能掩其醜

後宮花燭

唐書中宗

好與朝臣狎戲韋庶人微時有一乳母寔蠻婢也既老且醜齒落髮禿于後宮列花燭嫁為御史大夫竇懷貞妻俗謂乳母之壻曰阿奢懷貞每進表狀列其官位必曰國奢欣然有自負之色

醜婦人五

增詩唐李白詩曰醜女來效顰還家驚四鄰壽陵失本
步笑殺邯鄲人 又張又新詩曰牡丹一朵直千金將
謂從來色最深今日滿欄開似雪一生辜負看花心

原賦楚宋玉登徒子好色賦曰登徒子妻蓬頭攣耳斷
牛語脣歷齒旁行踣僂又疥且痔 劉思真醜婦賦曰
反

人皆得令室我命獨何吝不遇姜任德正值醜惡婦才
質陋且儉姿容劇嫫母鹿頭獼猴面推額復出口折頰
屬樓鼻兩眼齟一交切如白膚如老桑皮耳如側兩手頭

如研米槌髮似掘埽帚惡觀醜儀容不媚似鋪首闇鈍
拙梳髻刻畫又更醜妝頰似狗舐額上獨偏厚朱脣如
踏血畫眉如鼠負傅粉堆頤下面中不偏有領如鹽豉
囊袖如常拭釜履中如和泥爪甲長有垢脚皸可容箸
熟視令人嘔

長大人一

原周書曰丘陵之人專而長 禮斗儀曰君乘土而王
者其人長 增又曰臣乘金而王其民洪白長大 原

淮南子曰東方之人長

長大人二

原帝王世紀曰禹長九尺九寸殷湯長九尺 又曰季

歷之妃生文王昌身長十尺 孔演圖曰孔子長十尺

大九圍 吳越春秋曰伍子胥長一丈眉間一尺 增

蜀王本紀曰秦襄王時宕渠郡獻長人長二十五丈六

尺 原漢書曰韓王信長八尺九寸張蒼長大肥白如

瓠金日磾長八尺二寸東方朔九尺三寸 河圖龍文

曰龍伯國人長三十丈以東得大秦國人長十丈又以東十萬里得佻國人長三丈五尺又以東十萬里中秦國人長一丈天之東南西北極各有銅頭鐵額兵長三千萬丈又有金剛敢死力士長三千萬丈天中太平之都有都甲食鬼鐵面兵長三千萬丈 東方朔神異經曰西南大荒中有人焉長一丈其腹圍九尺踐龜蛇戴朱鳥左手憑青龍右手憑白虎知河海斗斛識山石多少知天下鳥獸言語知百穀草木鹽苦名曰聖一名哲

一名先一名無不達凡人見拜者令人神智 又曰西

北海外有人長二千里兩脚中間相去一千六百里腹
圍一千五百里但日飲酒五斗不食魚肉五穀唯飲酒
好游山海間不犯百姓不干萬物與天地同生名無路
之人一名仁一名信一名神 增又曰東南有人焉周
行天下其長七丈腹圍如其長不飲不食朝吞惡鬼三
千暮吞三百此人以鬼為食以露為漿名曰尺郭一名
食邪一名赤黃父 漢書曰王商長八尺餘身體洪大

容貌絕人單于來朝見商而拜 又曰朱雲字子游魯

人少時任俠借客報仇長八尺餘貌甚壯以勇力聞年

四十乃變節從博士白子反受易 又曰賈逵長八尺

二寸京師為之語曰問事不休賈長頭 後漢書曰郭

林宗儀貌魁岸身長八尺聲如鐘 三十國春秋曰東

萊太守王鸞未仕時身長九尺腰帶十圍貫甲跨馬不

據鞍由鐙燕王慕容德見而奇其魁偉賜之食一進一

斛餘德驚曰所噉如此非耕而能飽而才貌不凡堪為

貴人可以一縣試之由是拜逢陵長甚有治績 崔鴻

前秦錄曰鹿縕字處嘿西平人身長八尺腰帶十圍清

辯善論雄武便弓馬孝友貞亮聲高一時 宋書曰南

郡王義宣為荊州刺史白皙美鬚眉身長七尺五寸腰

帶十圍 齊書曰王茂先身長八尺潔白美容儀齊武

帝布衣時常見之歎曰王茂先堂堂如此必為公輔

北齊書曰肅宗孝昭皇帝諱演字延安聰敏有識度深

沉能斷不可窺測身長八尺腰帶十圍儀表風望迥然

獨秀 又曰神武時盧曹率其徒自薊入海島得長人

骨以髑髏為馬槽脰長丈六以為二稍送其一於神武
諸將莫能用惟彭樂彊舉之未幾曹遇疾痛聲聞于外
巫言海神為祟遂卒 周書曰庾信字子山幼而俊邁

聰敏絕倫博覽羣書尤喜春秋左氏傳身長八尺腰帶
十圍容止頽然有過人者 五行書曰開元二十二年

四月獻長人名李家龐長八尺有五寸 唐書曰李義

琰身長八尺博學多識高宗每有顧問言皆切直 夷

堅志曰淳熙間蘇州有唐姓者兄妹皆長丈二日啗斗
餘行倦則依市簷憩坐如堵牆不可出出則傾市觀之
詔廩之殿前司德壽欲見之遣詣北宮懼其聚民乃卧
而泛之河至望仙橋專舟焉語林曰成化辛丑蘇州
衛數軍士以禦倭汎海為大風飄至一島一人從林中
出長可三四丈深目黑面獐醜不堪見數人悉以藤貫
穿之繫于樹上已而復入衆極力斷之而竄始放舟前
者偕數輩來以手攀舷舟中一勇士急掣刀斷其指始

舍舟去觀其斷乃中指一節長尺有四寸貯嘉定庫

長大人三

增捕魚

張鳥

山海經長臂國人捕魚水中兩手各操一魚注云其人手下垂至地 晉朝雜

記永嘉元年有鷺鳥集于始安縣南其里之鷺陂中民周虎張得之木矢貫鐵長六尺有半計其射者應長一丈五六尺也倭國人常行遭風吹渡大海外見一國人皆長丈餘形狀似胡蓋是長翟別種箭殆將從此國來也

原林父

支提

東方朔神異經東南隅大荒中有林父焉其高千里腹圍百輔 郭

子橫洞冥記有支提國人長三丈二尺有三手一手當胸手足各三指

增釣鰲 憑虎

列子大壑中有五山天帝使巨鰲載五山龍伯國有大

下大荒中

猿臂

虎口

外國圖大秦國人長一丈五尺猿臂長脇好騎駱駝孔

帖郭知運長七

原腰十圍

跡六尺

晉書尹緯字景亮少有大志不

尺猿臂虎口

營產業身長八尺腰帶十圍魁梧有爽氣

史記

秦始皇時有大人見臨洮身長五丈腳跡六尺

見

襄武

出蓬萊

魏志咸熙三年有大人見襄武縣長二丈餘腳跡長三尺二寸白髮著黃單衣

黃巾

漢書王莽時有奇士長一丈大十圍名巨無霸

本出於蓬萊東五城西北詔如海濱輶車不能載三馬

不能勝即日大車駟馬

眉見軾

骨專車

穀梁傳魯文公十一

建旗載詣闕卧則枕鼓

年叔孫得臣敗狄于鹹長狄也兄弟三人大害中國瓦

石不能害叔孫得臣最善射者也射其目身橫九畝斷

其首智見于軾國語吳伐越墮會稽獲骨焉節專車

吳子使問仲尼仲尼曰昔禹致羣臣于會稽之山防風

後至禹戮之其骨節專車此為大矣

馬騰雄異

趙壹魁梧

袁宏漢紀長樂衛尉

馬騰其長八尺身體洪大面鼻雄異而性溫厚人多敬之
後漢書趙壹字元淑體貌魁梧身長九尺美鬚眉

恃才傲物為鄉曲所擯

河流大屐

增海汎中衣

祖沖之述異記苻健皇始

四年有長人見身長五丈語張靖曰今當太平新平令以聞健以為妖妄召靖繫之是月霖雨河渭泛溢河津

監寇登于河中流得大屐一隻長七尺三寸足跡稱屐指長尺餘文深七寸
魏志黃初中元菟太守王頎討

高麗過沃沮國其東臨大海近日所出問其耆老海東復有人否云嘗在海中得一布褶身如中人衣兩袖長

二丈即長臂人衣也

原巨霸枕鼓

申香拂蓋

上詳出蓬萊注崔鴻前秦錄

苻堅以乞活夏默為左鎮郎護磨那為右鎮郎申香為拂蓋郎默等身長一丈八尺並多力善射三人每食飯

一石肉

三十斤 頎而長兮

數之極也

詩猗嗟昌兮頎而長兮 國語仲尼曰長

者不過十尺

增銅頭鐵額

鉛爪鋸牙

上見二山海經東夷長

數之極也 人者身長三丈鉛爪鋸牙黑毛覆身不食火噬禽獸或搏人以食

廣額深頤

秀眉

明目

孔帖楊收長六尺二寸廣額深頤疏眉目

後漢書袁紹總兵冀州遣使要鄭康成大會賓客康成

最後至乃延升上坐身長八尺

入學究書

結賢待

飲酒一斛秀眉明目容儀溫偉

入學究書

結賢待

士阮翁仲南安人身長二丈三尺氣質端勇少為縣吏為督郵所笞歎曰人當如此耶遂入學究書史始皇

併天下使翁仲將兵守臨洮聲震匈奴秦以為瑞翁仲死遂鑄銅為其像置咸陽宮司馬門外匈奴至有見者

猶以為生涼州記呂光字世明連結豪賢好施待士身長八尺四寸目重瞳子左肘生寅印性沉重質略寬

大有度量時人莫之識惟王
猛布衣時異之曰此非凡人

齊夢盤庚 郭稱顏子

璚語齊景公伐宋至曲陵夢見一人甚長而大大下而
小上其言甚怒好仰晏子曰若是則盤庚夫盤庚之長
九尺有餘大下小上白色而髯其言好仰而聲上公曰
是也是怒君師不如違之遂不伐宋也 晉書羊祜身
長七尺三寸美鬚眉太原郭 一丈八尺 三十六年
邑見之曰此今之顏子也

魏略天竺國人皆長一丈八尺 括地圖
大人國孕三十六年而生兒白首長丈

牽犬東萊

釣魚橫海

漢武故事公孫卿至東萊云見一人長五
丈自稱巨公牽一黃犬把一黃雀欲謁天

子因忽不見 孫綽子海人與山客辨其方物海人曰
橫海有魚傍陰數國東極有大人斬木為策短不可杖
釣魚華山之頂 一吸萬頃之波

車隣國女

波谷山人

魏略車隣國
男女皆長八

丈八尺 山海經東海之外大荒之中有波谷山者有大人之國有大人之市名曰大人堂有一人蹲其上張其兩

薦以大夫

拜為馬監

史記晏子為齊相出其御之妻從門窺其夫為

相御擁大蓋策駟馬意氣揚揚甚自得也既而歸其妻請去夫問故妻曰晏子長不滿六尺身相齊國名顯諸侯今者妾觀其出常若有以自下者今子長八尺乃為人僕御自以為足妾是以求去也其後夫自抑損晏子怪而問之以寔對薦以為大夫 漢書金日磾沒入官輸黃門養馬日磾長八尺二寸容貌甚麗馬又肥好上異而問之以本狀對即日賜湯沐衣冠拜馬監

長大人四

原三丈

左傳魯叔孫得臣敗長狄于鹹獲長狄僑如富父終生春其喉以戈殺之埋其首于子駒之北

門鄭瞞伐齊齊獲其弟榮如埋其首于周之北門鄭瞞由是遂亡注鄭瞞長狄國名益長三丈骨節非常恐後

代怪之故

千仞

楚詞東方長人千仞惟魂是索

增金人十二

前五志

秦始皇帝二十六年有大人長五丈足履六尺凡十二人見于臨洮是歲始皇初併六國反喜以為瑞銷天下

兵器作金人十二以像之遂自賢聖築長城故大人見于臨洮明禍亂之起又三輔舊事鑄金狄十二各重

二十四萬觔立

原千秋八尺

漢書車千秋姓田為高寢郎戾太子敗千秋訟

于阿房殿前

太子寃上乃召見千秋

增形皆偉壯東觀漢記馮勤字衛伯魏郡人

長八尺餘體貌甚美

曾祖父楊宣帝時為弘農太守有八子皆為二千石趙魏間榮之號為萬石君焉兄弟形皆偉壯惟勤祖偃長不滿七尺長自謂短陋恐子孫似之

力能扛鼎

後漢書虞

延字子太陳留人延生其上有物若一疋絹遂上升天
占者以為吉及長身長六尺六寸腰帶十圍力能扛鼎

容止端詳

三國典略冠雋歸老不復朝覲天子思與
相見乃令入朝雋身長八尺鬚髮皓然容

止端詳音韻清朗天子與之同席而

宰相之才

裴景仁秦

坐因訪洛陽故事不覺屢為前席

書姚萇圍苻堅遣僕射尹緯詣闕陳事堅見緯貌魁梧

志氣秀傑腰帶十圍瑰瑋異常驚而問曰卿于朕世何

所為作緯答曰尚書令

儀狀魁岸

司馬彪序傳司馬朗祖父雋字元異

史堅笑曰卿宰相才也

博學好古倜儻有大度長八尺三寸腰十圍

儀狀魁岸行與衆有異鄉黨宗族咸景附焉

白哲長

大孔帖齊映為

姿狀秀偉

又曰武儒衡

心無憂患

人白哲長大

三秦記燉煌西盡大秦隔海心無憂遇善風不經二十
日得渡心憂數年不得渡諺曰心無憂患不經二旬心

若憂患遠離三春士人賁直男女皆長
二丈端正風雨不和則讓賁而治之

長大人五

原賦漢司馬相如大人賦曰世有大人兮在乎中州宅
彌萬仞兮曾不足以少留悲世俗之迫隘兮竭輕舉而
遠遊垂絳幡之素霓戴雲氣而上浮建格澤之脩竿兮
總光耀之彩旄垂旬始以為綦兮曳彗星而為髻掉指
揮以偃蹇兮又旖旎以招搖攬攬搶以為旌兮靡屈虹
以為綢江杳渺以泫泫兮焱風動而雲浮

原讚晉郭璞長臂國讚曰雙臂三丈體如中人彼曷為
者長臂之人脩脚是負捕魚海濱 又夸父讚曰神哉
夸父難以理尋傾河及日遁形鄧林觸類而化應無常
心

短小人一

原方言曰侏儒短人也鯀鯀短也江湘之會曰鯀 又
曰齊桂林之中謂短曰鯀東楊之間謂之俯 占夢書
曰凡夢侏儒事不成舉事中止後無名百姓所笑人所

輕

短小人二

增荀子非相篇帝堯長帝舜短文王長周公短仲尼長
子貢短葉公子高微小短瘠行若將不勝衣然白公之
亂葉公子高入據楚誅白公定楚國如反掌耳 博物
志曰齊桓公獵得一鳴鵠宰之嗉中得一人長三寸三
分著白圭之袍帶劒持刀罵詈嗔目後又得一折齒方
圓三尺問羣臣曰天下有此及小兒否陳章答曰昔秦

胡克一舉渡海與齊魯交戰折傷板齒昔李子教于鳴

鵠喙中遊長三寸三分 古文璣語曰齊景公伐宋至

曲陵夢見有一短丈夫賓于前晏子曰君所夢何如哉

公曰其實者甚短大上小下其言甚怒好俛晏子曰如

此則伊尹也伊尹甚大而短大上小下赤色而髯其言

好俛而下聲公曰是矣晏子曰是怒君師不如違之遂

不果伐宋 原國語孔子曰僬僥國人長三尺短之至

也 增說苑曰齊遣淳于髡至楚髡為人甚小楚王甚

薄之謂曰齊無人而使子來何長也對曰臣無所長臣

腰間七尺之劍願斬無狀王曰止吾但戲子耳即與髡

共飲酒 原漢武故事曰東郡送一短人長七寸衣冠

俱足名曰巨靈 漢書曰嚴延年為人短小精悍敏捷

于事樓護為人短小精辨 增又曰郭解為人短小恭

儉諸公以此重之 又曰宣帝時渤海盜賊起上以龔

遂為太守召見遂形貌短小帝心輕焉及對賜黃金乘

傳去 原何承天纂文曰漢光武時潁川張仲師長二

尺 汝南先賢傳曰周舉字宣光姿貌短陋有晏子之

風 魏書曰王粲樂進並為人短小 增魏略西域傳

曰短人國在康居西男女皆長三尺人衆甚多康居長

老傳聞常有商行迷惑失道到此國中甚多夜光明月

之珠去康居可萬餘里 魏志曰倭南有侏儒國其人

長三四尺去女王國四千餘里 吳錄曰張蕃字仲輔

為人短小顧譚以短戲之曰侏儒侏儒有何德令我思

君罔極 宋書曰孫權黃武五年有大秦賈人字秦論

來到交趾交趾太守吳邈遣送詣權權問方土謠俗論
俱以事對時諸葛恪討丹陽獲黥歛短人論見之曰大
秦希見此人權以男女各十人差吏會稽劉咸送論還
本國續搜神記曰司徒蔡謨親有王蒙者單獨常為
蔡公所收養蒙長纔及三尺似為無骨登牀輒令人抱
上宋書曰王敬弘形狀短小而坐起端方崔鴻前
涼錄曰宗醜字仲業慷慨有大志清素敦樸不好華競
形狀短小體有鱗甲仕至西平太守三國典略曰齊

孟業有盛名初司州牧清河王岳聞業名召為法曹見其容貌短小笑而不言及尋斷決之處乃謂業曰卿決斷之明可謂有過軀之用 啓顏錄曰唐長孫元同有機辨貞觀中嘗在諸公主席高密公主云我段家兒郎亦有人物走令喚取段恪來令對元同段恪雖微有詞其儀容短小召至始入門元同即曰為日已暗公主等即大驚怪云日始是齋時何為道暗元同即指段云若不日暗何得短人行坐中大笑恪面赤更無以對 因

話錄曰北省班諫議在給事下中書舍人在給事中下

裴佖為諫議形質短小諸舍人戲之曰如此短何得向

上裴佖曰若怪即曳向下衆人皆大笑 天中記曰阮

孚性機辨好酒貌短而禿周文帝偏所愛重常於室內

置酒十瓶瓶大一斛上皆加帽欲以戲孚孚適入室即

見驚喜曰吾兄弟輩甚無禮何為入王家坐相對宜早

還宅因持酒去文帝憮然大笑 續世說曰桑維翰身

短面廣每對鑑自歎曰七尺之身何如一尺之面後登

第同榜四人秦王幕客陳保極戲謂人曰今歲有三箇
半人及第以維翰短陋故謂之半人

短小人三

原臧紇

高柴

左傳邾人莒人伐鄆臧紇救鄆敗于狐
駘國人誦之曰臧之狐裘敗我于狐駘

我君小子侏儒是使侏儒侏儒敗我于邾注臧紇短
小故也家語高柴字子羔不過六尺為人篤孝

優旃

蔡義

史記優旃秦倡侏儒也始皇時置酒天雨
陛楯者寒旃矜之乃大呼曰女雖長雨中

立我雖短故幸休始皇乃令半相代漢書曰蔡義為
丞相時年八十餘短小無鬚眉貌似老嫗行步俛僂常

兩吏持夾
乃能行

楚葉公

齊晏子

上見二晏子春秋曰
晏子短奉使楚楚為小

門晏子不
入詳奉使

眇丈夫

短主簿

史記曰孟嘗君之趙趙人出觀之笑曰始以薛

公為魁然也今視之眇小丈夫耳 晉書曰

王珣為桓溫主簿為人短小故號曰短主簿 蔡賦巴

馬

郭讚蟬人

蔡邕短人賦曰巴巔馬兮押下狗列子曰東北極有人名蟬長九寸郭璞有

讚

王敬端方

張松放蕩

上見二益部雜記曰張松為人短小而放蕩不理

節操

西海畏鵠

東方給騶

神異經曰西海外有鶴國人長七寸百物不敢犯惟

畏海鵠海鵠遇則吞之壽三百歲人在鵠中不死 漢書曰東方朔給騶侏儒曰帝以若曹耕田力作不及人

從軍不任軍事無益于縣官 今欲盡殺若曹侏儒大懼

增遂拜府丞

乃為侍

讀後漢書曰汝南周滂字次彥世祖到常山問可治兵者誰勇以滂對世祖見滂短小以為不能將帥滂對

有詞理拜為潁川府丞 梁典曰徐摛起家太學博士
周捨舉曰臣外弟徐摛形質陋小若不勝衣然堪此選
乃為晉安

王侍讀

宜為學士

令作左丞

山堂肆考通英閣
講誦之所後有隆

儒殿在叢竹中制度極小王遵叔久在講筵而人品短
小同列戲之曰公宜為隆儒殿學士 續世說五代崔
善為為左丞以清察稱令史惡之以其身短而偃嘲之
曰崔子曲如鉤隨例得封侯膊上全無項胸前別有頭
日行千里 壽踰萬歲 神異經 鶴國男女皆長七寸
日行千里如飛鳥 拾遺記

曰員嶠山有陀移國
人長三尺壽踰萬歲

性辟虫豸

形類螻蛄

神異經
曰西北

荒中有小人長一寸人遇其乘車食之其味辛楚終不
為虫豸所傷並識萬物名字殺腹中三虫 廣志曰東
方有小人如螻蛄手
撮之滿手得二十枚
迎風則偃 曝日而歸 外國圖
曰僬僥

國人長一尺六寸迎風則偃背風則伏眉目俱足但野宿一曰焦僥長三尺其國草木夏死而冬生去九疑三萬里續博物志畢勒國人長三寸有翼善言語戲笑因名善語國常羣往日下自曝其身熱乃歸飲丹露為漿

智過其軀身不如面

魏書陸侯多智長子馥有父風魏文成帝見而悅之

曰吾嘗歎陸侯智過其軀是子復踰其父矣下桑維翰事見二

短小人四

增身長三尺

史記東方朔曰臣朔長九尺三寸奉一囊粟錢二百四十侖儒飽欲死臣朔身長三尺亦奉一囊

飢欲死上大笑因使侍詔金馬門

日南記吏

東觀漢記曰張

重舉孝廉送京師正月朝于德明殿明帝怪其短小問曰何郡小吏答曰臣日南記吏非小吏也帝嘉其言賜

以金

善用三短

北史曰李諧為人短小六指因瘰而舉順因跛而緩步因謔而餘言人言

帛

李諧善

時稱短李

孔帖曰李紳為人短小精悍時稱短李

州民盡短

用三短

唐書曰陽城為道州刺史州產侏儒

眇小無髯

新唐書曰

歲貢諸朝城奏州民盡短自是罷

眇小無髯

新唐書曰

李希烈叛闕播盛稱李元平帝拜汝州別駕元平募人

築城李希烈陰使亡命應募縛元平去希烈以其眇小

無髯戲李克誠曰使汝

儀質陋倪

孔帖曰韋述方少儀質陋倪

取元平乃以其子來耶

才及中人

又曰辛謙癯短才及中人

朱衣元冠

神異經曰西北荒中有小人長一寸

圓如長朱衣

人長二尺

拾遺記曰廣延之國人長二尺

長安人腊

玄冠乘輅車

南郡新書曰長安中嘗見有人腊長

尺許睂目手足悉具或以為僂僂氏

短小人五

原賦蔡邕短人賦曰侏儒短人焦僂之後出自外域戎狄別種去俗歸義慕化企踵遂在中國形貌有部名之侏儒生則象父唯有晏子在齊辯勇匡景拒崔加刃不恐其餘阡公劣厥僂窶噓噴怒語與人相拒矇昧嗜酒喜索罰舉醉則揚聲罵詈恣口衆人患忌難與並侶是以陳賦引譬比偶皆得形象誠如所語其辭曰雄荆雞兮鶩鷓鴣鳩鷓兮鷓鴣雌冠戴勝兮啄木兒觀短人

兮形若斯蟄地蝗兮蘆螭且

子如反

繭中蛹兮蠢蠕

音而頓

音須視短人兮形若斯木門閭兮梁上柱弊鑿頭兮斷柯

斧鞞鞞鼓兮補履璞脫椎衲兮擣薤杵視短人兮形若
許

原讚郭璞焦僥讚曰焦僥極麼蟬人又小四體取足矚

目纔了

蟬音淨

御定淵鑑類函卷二百五十六

欽定四庫全書

御定淵鑑類函卷二百五十七

人部十六

老人八十

五十九十

六十百歲

七十
上壽

老人一

原說文曰老考也

尚書曰五福一曰壽

易曰枯楊

生稊老夫得其女妻

毛詩曰執子之手與子偕老

又曰酌以大斗以祈黃耆黃耆鮐背以引以翼

禮月

令曰享壽星於南郊

增祭義曰先王之所以治天下

者五貴有德貴貴貴老貴長慈幼貴老為其近于親也

又曰天子巡狩諸侯待於境天子先見百年者

問其國君

以百年者所在而往見之

子曰朝廷敬老則民作孝

續漢書曰仲

秋祠老人星於國之南郊

老人二

原論語識曰堯舜遊首山觀河渚乃有五老遊河渚曰
河圖將浮五老飛為流星上入昴尸子曰湯問伊尹
曰壽可為耶伊尹曰王欲之則可為弗欲則不可為也

禮記曰凡養老有虞氏以燕禮夏后氏以饗禮殷人以食禮周人修而兼用之 周書曰文王召太子發曰嗚呼我身老矣吾語汝我所保與守守之哉傳之子孫尚書中候曰齊桓公封禪謂管仲曰寡人日暮仲父年艾 左傳曰燭之武對鄭伯曰臣之壯也猶不如人今老矣無能為也已 增又曰穆叔至自會見孟孝伯語之曰趙孟將死矣其語偷不似民主且年未盈五十而諄諄焉如八九十者弗能久矣 又曰天王使劉定

公勞趙孟於潁館於洛汭劉子曰美哉禹功子盍亦遠
績禹功而大庇民乎對曰老夫罪戾是懼焉能恤遠吾
儕偷食朝不謀夕何其長也劉子歸以語王曰諺所謂
老將知而耄及之者其趙孟之謂也 國策曰子奇年

十八齊君任為東阿旣行而君悔焉使人追之囑使者
曰未至追令還已至勿追未至東阿使者反齊君問故
使者曰臣見子奇同載者皆白首矣夫老者之智少者
之決此必能治東阿矣王曰善哉 原說苑曰楚文王

伐鄭使王子革子露居二子出遊老人戴畚從而乞焉
不與搏而奪之畚 戰國策曰昔者秦魏為與國齊楚
約攻魏魏使人求救於秦冠蓋相望秦救不出魏人有
唐且者年九十餘謂魏王曰老臣請西說秦令兵出可
乎曰敬諾遂約車遣之且說秦王秦王遂發兵救之

史記曰秦始皇謂王剪曰將軍老矣何怯也 又曰伏
生秦博士孝文欲求治尚書天下無有聞伏生能治欲
召之是時伏生老不能行詔晁錯往受之 增又曰李

少君以祠竈却老方見上自謂七十嘗從武安侯飲坐
中有年九十餘老人少君乃言與其大父遊射處老人
為兒時從其大父行識其處一坐盡驚原漢書曰馮
唐老為郎文帝輦過問曰父老何自為郎又曰張安
世薦蘇武明習故事奉使不辱宣帝以武著節老臣令
朝朔望號稱祭酒神仙傳曰淮南王安好道術八公
詣門門者見其垂白不肯通八公皆化成童子色如桃
花門吏白王王迎之登思仙之臺八公還成老人授之

要道 增晉書曰華表太始中遷太常卿數歲以老病

乞骸骨詔以表清貞素履有老成之美而以疾固辭今

聽如所上祿賜與卿同 又曰祖逖進鎮雍邱略定河

外躬自勸督農桑克已施下百姓感悅置酒大會耆老

中坐流涕曰某等老矣更得父母死復何恨 又曰周

訪少時遇善相者陳訓謂訪與陶侃曰二君皆位至方

岳功名略等但陶上壽周下壽優劣在年耳 原世說

曰顧悅與簡文同年而髮早白簡文問曰卿何以先老

答曰蒲柳之姿望秋而落松柏之姿隆冬轉茂 增齊

書云虞玩之字茂瑤年老有疾請退曰四十仕進七十

懸車壯即馳驅老宜休息知足不辱臣知足矣 後魏

書曰尉元許致仕詣闕謝見於庭命昇殿勞宴賜以元

冠素服又詔充三老給上公之祿 唐書曰太宗將伐

遼召李靖入閣賜坐御前謂曰公南平吳會北清沙漠

西定慕容惟東有高麗未服公意如何對曰臣往者憑

藉天威薄展微勞今殘年朽骨惟擬此行陛下若不棄

老臣病其瘳矣帝愍其羸老不許 舊唐書曰蕭德言

以年老請致仕太宗下詔曰卿年齒已衰教將何恃所
冀才德猶茂卧振高風使濟南伏生重在茲日關西孔
子故顯當今 又曰嚴綬才器不踰常品事兄嫂過謹

為時所稱常以寬柔自持位躋上公年至大耄前後統
臨三鎮皆號雄藩所辟士親覩為將相者凡九十人其
貴壽如此 胡野僉載云武部侍郎侯知一以年老敕
令致仕知一乃詣朝廷跳躍馳騁以示便捷時謂知一

不伏致仕 開元遺事曰開元東封有太原人于伯龍

者年一百二十八歲精爽不昧其子已卒兩孫隨之各

年七八十 事文類聚曰南陽有菊水水甘而芳居民

三十餘家飲其水皆壽或至百二三十歲蜀青城山老

人村有見五世孫者道路險遠生不識鹽醯而溪中多

枸杞根如龍蛇飲其水故壽近歲道稍通漸能治五味

而壽亦衰矣 洞微志曰李守忠為承旨奉使過海至

瓊道逢一翁自稱楊遐舉年八十一其叔父皆年一百

二十餘又見其祖自稱曰宋卿年一百九十五次見如雞窠中有小兒出頭下視宋卿曰此九代祖也不語不食不知其年歲 幽怪述異記曰鍾離人顧思遠年一百十二歲七子年少者已六十頭有肉角長寸許穰城有人年一百四十歲不能飲食曾孫婦乳之荊州人張元始年九十七方生兒兒遂無影一百十六歲終將終人人告別又窮山林處處履遍 周史曰五代王仁裕家遠祖母二百餘歲 又曰蕭愿字惟恭梁宰相頃之

子也事父母以孝稱後為兵部郎卒之時年七十餘母猶在堂一門壽考人罕及者 洞微志曰邵伯溫言洛陽有老人曰党翁者賣藥洛水北南行步甚快自言五代清泰中嘗為兵經事柴世宗有放停公帖可驗其衣服猶唐裝也有妻無子有問以前事者皆不答元豐中不知所在計其壽當一百七八十餘 元史列傳曰貝降父呼都克武勇過人從世祖南征年幾七十每率先士卒冒矢石身被數十創戰功居多 又曰高納麟至正

十二年江淮盜起帝命總制江浙三省軍馬詔直省舍人海玉傳旨慰諭納麟北面再拜曰臣雖耄老敢不黽勉從事盡餘生以報陛下 又曰石天應為陝西東路行臺兵馬都元帥召將佐謂曰吾年垂六十耄耄將至一旦卧病牀第聞後生輩立功名死不瞑目矣 又曰竇默年八十公卿皆往賀帝聞之拱手曰此輩賢者安得請於上帝加益數年留朕左右共治天下惜今老矣悵然者久之 又曰王磐廣平永年人日本之役師行

有期磐入諫帝震怒且曰此在吾國法言者不赦汝豈
有他心而然耶磐對曰臣赤心為國故敢以言今臣年
已八十況無子嗣他心欲何為耶年至九十二卒之夕
有大星隕正寢之東 又曰李治晚家元氏買田封龍
山下世祖即位復聘之欲處以清要官治以老病求還
山至元二年再以學士召就職暮月復以老辭去卒年
八十八 又曰吳澄撫州崇仁人至治末修英宗實錄
成即移疾不出天歷三年朝廷以澄耆老特命次子京

為撫州教授以便奉養明年得疾有大星墜其舍東北
澄卒年八十五 又曰曹伯啟天歷中起為淮東廉訪
使陝西道行御史臺中丞使驛敦遣伯啟喟然曰吾年
且八十尚忘知止之戒乎終不起天下高之 又曰趙
世延拜中書平章政事固辭不允詔以世延年高多疾
許乘小車入內至順元年與修經大典屢奏臣衰老乞
解中書政務專意纂修帝曰老臣如卿者無幾求退之
言後勿復陳 又曰王英益都人善用雙刀人號之曰

刀王至元中李志甫等兵起時英已致仕巴咱爾謂僚佐曰是雖鼠竊狗偷非刀王行不可其人雖老必可激以義乃使迎致之英曰國家有事吾雖老其可坐視乎據鞍橫槊精神飛動馳赴焉又曰至正中毛貴陷益都英時年九十有六乃謂其子宏曰我世受國恩今老矣縱不能事戎馬以報天子尚忍食異姓之粟以求生乎數日遂卒明詩傳曰林春澤字德敷年百歲有司為建人瑞坊子應亮以戶部侍郎侍養亦年七十矣拜

起矍鑠如少壯卒年百有四歲 又曰楊巍以太子少保晉太保歸田十五年年九十三而歿功名壽考未有其比 又曰董濬字復宗年六十七往師王陽明晚究心內典 又曰文徵明授翰林待詔未哀求退清名長德主吳中風雅之盟者三十餘年年九十而卒

老人三

原永錫

有終

詩永錫難老 禮記大道之行也使老有所終

耄矣

皤然

左傳石碣曰老夫耄矣

又鮑背之叟皤然

避車

墮履

禮記見老者則車徒避頌白者

不以其任而弟達于道路矣注任謂擔持物也張
良傳良遊下邳圯上有一老父墮履良取而跪進之

雞皮

鶴髮

劉熙釋名云咽皮如雞皮鶴髮

二毛

三赦

左傳君子不禽二毛又曰愛其
二毛周禮三赦二曰老耄

皤皤

冉冉

班固

辟雍詩皤皤國老
騷老冉冉其將至兮

離

上齒

減年

禮記虞夏殷周
天下之盛王未

有遺年者是故朝廷同爵則上齒謂老者在
劉平傳平為全椒令百姓感化減年從役

善飯

安車

廉頗傳趙王欲用廉頗使使視之使者還報王
曰廉將軍雖老尚善飯本傳漢武以安車徵

杖乘乘年
老道病卒

增大齊

長生

莊子楊朱曰百年壽之大
齊得百年者千無一焉

廣成子曰無勞女形無
搖女精乃可以長生

四事

三願

列子楊朱曰生
民之不得休息

為四事故一為壽二為名三為位四為貨說苑齊宣
王出獵於杜山社山父老十三人相與勞王王賜之
老皆拜問丘先生獨不拜疑而問之對曰未
見大王所望者三願賜臣壽賜臣富賜臣貴

澣裙

留枕

漢書石建為郎中令建白首萬石君尚無恙每五
日洗沐歸謁親八子舍竊問侍者取親中裙廁

身自澣灑復與侍者不敢令萬石君知之以為常南
史荊州上津鄉人張元年一百一十六歲終時人以

知命湘東王愛奇
重異遂留其枕

躍馬

跨鞍

源懷傳源懷正始初
蠕蠕入寇詔加懷使

持節侍中出據北蕃懷跨鞍執稍躍馬大呼顧賓客曰
氣力雖衰尚得如此蠕蠕雖畏壯輕老我亦未便可欺
時年六十一至雲中蠕蠕亡遁魏書畢眾敬年已
七十鬢髮皓白而氣力未衰跨鞍馳騁有若少年

不倦

彌勤

傅子胡昭外同乎俗內秉純潔心非其好
王公不能屈年八十而不倦於書籍北

史趙逸字思羣性好墳典白首彌勤年踰七十手不釋卷

霜顏

雪髮

唐李白不知幾甲子

猶到冰霜顏
大潞公

皓髮

華顏

漢武故事帝過郎署見顏驄龐

眉皓髮問曰叟何時為郎何其老也荅曰臣文帝時為郎上曰何不遇也驄曰文帝好文而臣好武景帝好老

而臣尚少陛下好少而臣已老是以至老不遇
太平

廣記蔡邕曰華顏胡老又崔駰達旨曰唐且華顏以悟

秦甘羅童稚而報趙又劉向新序曰齊有閭丘昂年十

八而求仕宣王曰子年尚稚閭丘昂曰昔顓頊行年十

二而治天下秦項橐七歲為聖人師由此觀之昂不肖

耳年不稚矣宣王曰未有咫尺角驂駒而能服重致遠者

也夫士亦華髮墮

一氣

同甲

典刑錄魏公六老圖樂工致語云六人四

顛而後可用耳

百四十歲好是同貞一氣生

橐苑文潞公程珌司馬

且席汝言皆七十八為同甲會潞公詩云四人三百十

二歲況是同
生甲午年

榆年

茲景

漢孟嘗傳年歲有訖桑榆
行盡江淹詩屬我茲景

半賞爾若光初按嶷景崦崦之景
若光若木之光一喻老一喻少也

杖鉞

書屏

山堂肆考

宋太師文彥博乞致仕不允批答昔師尚父九十杖鉞
秉旄猶未告老此諸葛元遜所以屈張昭也又宋劉

器之曰富韓公年八十書座
屏云守口如瓶防意如城

原無下拜

不提挈

左傳

天王使宰孔賜齊侯胙曰以伯舅老耄加
勞賜一級無下拜禮頌白者不提挈

操几杖

給韋袍

禮記謀於長者必操几杖以從注從就之晉
書劉宏為荊州嘗夜起聞城上持更者歎聲甚

苦呼省之兵年過六十羸疾無
襦乃謫主者遂給韋袍複帽

增真率會

耆英堂

彙苑司馬光六十五作真率會詩潞公傳文潞公留
守西都集洛中公卿大夫年高有德者為耆英會就資

聖院建大厦
日者英堂

摩銅狄

授玉杖

東漢薊子訓有神術與一老翁共摩準銅

狄人於長安東曰適見鑄此已五百歲矣故張天覺詩曰鶴髮飄飄紫府仙摩準銅狄不知年續漢書曰民

年七十者授之以玉杖餽之以糜玉杖長九尺端鳩飾鳩不咽之鳥欲老不咽也

種壽泉

却老霜

清異錄仙家以津液灌溉丹田為種壽泉又以九鍊松枝為之可辟穀長生

原貴

德尚齒

深計遠謀

禮有虞氏尚齒而尚齒韓詩外傳曰楚丘先生被蓑帶索見孟嘗

君孟嘗君曰先生老矣春秋高矣多遺忘矣何以教文先生曰惡將我使而老哉使我投石拔距乎追車赴馬乎吾將死何暇老哉將使我深計而遠謀乎設精神而決嫌疑吾乃始壯矣何老之有

同爵尚

齒

敬長貴老

禮軍旅什伍同爵則尚齒而弟達於軍旅矣又貴老為其近於親也敬長為

其近於凡也

皮似班梨

目如濁鏡

釋名曰凍黎老人皮有班黑如凍黎色也

陸機百年歌
曰殘日如濁鏡

日暮塗遠

鐘鳴漏盡

史記主父偃曰吾日暮塗

達故倒行逆施之

又魏田豫為衛尉乞遜位司馬宣王以豫壯未聽豫報書曰年過七十而居位猶鐘鳴漏

盡而夜行不止罪人也拜大中大夫食卿祿年八十二薨

從衰得白

引戶校年

文選積微成損積損成衰從衰得白從白得老

髮將種種

心既諄諄

左傳盧蒲癸曰余髮如此種種余奚能為趙孟年未五十而諄諄然如八九十者

增音吐鴻暢

年力康強

唐書盧鈞為太子太師帝元日大享含元殿鈞年八

十升降如儀音吐鴻暢舉朝咨歎
致仕入對神宗見其年力康強問卿攝生有道乎潞公

對曰無他臣但能隨意自適不以外物傷和不敢作過當事上以為名言

廉頗遺矢高

允墜車

本傳廉頗奔魏趙王復思頗使使者視頗還報曰廉將軍雖老尚善飯然臣與坐頃之三遺矢

矣趙王以為老遂不召

本傳後魏高允年漸期願志識無損孝文以為光祿大夫其年有事西郊詔御馬車

迎允就馬馬忽驚奔車

李嶠龜息

裴度龍鐘

山堂肆考

覆傷眉帝遣醫療之

唐袁天罡與李嶠同宿袁聽嶠息在耳中賀曰郎君必壽此龜息也

劇談錄裴晉公微時羈遊洛中一日策

蹇驢上天津橋時淮西不庭已數年矣有二老人倚柱立曰蔡州何時得平見晉公愕然而退有僕夫在後聞其語曰適憂蔡州未平須得此人為相

僕以告公公曰見我龍鐘故相戲耳

精爽不衰

進取彌銳

魏書羅結年一百七歲精爽不衰百二十卒山堂肆考唐中宗以唐休璟同三品休璟

年八十餘
進取彌銳

錢朗顏童

喬琳耳聵

山堂肆考錢朗南
昌人仕唐累官光

祿大夫文宗朝歸隱廬山得補腦還元之術元孫數人
已皓首矣而朗顏貌猶如童子一日語家人曰我適為
上清所召今去矣俄氣絕數日顏色如生年一百七十
餘歲本傳唐喬琳衰老耳聵上或時訪問應對失次

猶知管任

不復事人

世說山公以器識重朝廷望
年踰七十猶知管時任本

傳梁震唐末登進士第高季興愛其才欲留之震退而
築室洲上披鶴氅稱荆臺隱士曰吾老不復事人矣

原渭濱之叟翼周

太公

商洛之皓叅漢

四皓

絳老辱

在泥塗

馮唐屈於郎署

矧過及耄之年

宜申在

宥之典

教將行於邦國

弟先達於朝廷

況當尚

齒之朝 難許遺年之議 少不如人方辭鄉國之使

老而無子始為絳縣之師 安車駟馬雖申公之已

老 深計遠謀乃楚邱之始壯 日落桑榆感末光而

向盡 年催蒲柳嗟弱質之先零

已上白帖

原五十養鄉

禮記五十
養於鄉

杖家

禮記五十杖於家

異糧

禮記五十異糧糧糧米也音張

命爵

禮記五十而爵

服官政

禮記五十曰父服官政注髮也蒼白如父可崇事其官也

不致毀

謂居喪也

不成喪

成備也

不備禮

送喪不散麻始喪不備禮

不力政

五十不從力政

命為大夫

禮記五十命為大夫

置為三老

漢高舉民年五十以上有修行能率衆善置為三
老鄉一人擇鄉三老為縣令丞尉以相教勿繇戍
無

車不弔

五十無車不越疆而弔人始哀也

親沒不髦

髦子飾也

增知非

啟蒙

蘧伯玉行年五十而知四十九年之非
朱文公五十七編易學啟蒙孝經

方娶

遲歸

江南野史陳貺處士五十方娶
李白詩我年五十七歸去誠已遲

白髮榮

名

東坡詩髮白蒼顏五十三家人強遣試
春衫白詩我今五十七榮名得幾時

除侍讀

薦御史

東坡年五十一除中書舍人又除翰林侍讀
唐韓愈年五十一薦殷侑狀云兼通三傳旁習

諸經堪任御史太常博士

入京師

直玉堂

周濂溪先生素貧初入京師鬻其產以行

擇留美田十餘畝畀周興任之以掃灑其
父郎中之墓東坡年五十四直玉堂

會夾谷

貶潮陽

孔子年五十二相定公會齊侯於夾谷 韓愈
年五十三上疏論佛骨貶潮陽刺史至藍關有

詩云雲橫秦嶺家何在雪擁藍關馬不前

造僧廬

赴幕府

韓愈在潮州年五十有四

有一老僧號大顛聰明識道理愈造其廬及來袁州留衣服為別 杜甫年五十四歸溪上有作簡院內諸公

曰白頭趨幕府深覺負平生

生道保

婚韋妹

彙苑元稹字微之年五十八歲生子

命名為道保

崔元諒任益州參軍欲娶婦忽夢人云

此家女非君之婦君婦今日方生乃夢中相隨到東京

履信坊住一屋下見婦人生女曰是君婦崔寤殊不之

信俄所議之女暴亡後官四品年五十八乃婚韋涉妹

年始十九居履信坊下尋

年當富貴

本傳朱買臣常刈薪柴以給食

勘歲月正與夢中相合

擔束薪行且讀書其妻羞之買臣曰

過二

孔融書孔融與魏武

吾年五十當富貴後拜會稽太守

帝書曰五十之年忽焉已至公為始滿融入過二

始應召

孔愉年五十一始應召為參軍

松菊主人

韋元微擢進士授監察御史不樂曰爵祿譬滋味也人皆欲之吾年五十一取一班一級

不見其味將為松菊主人不愧陶淵明云

何有宦情

南史何允隱若耶山雲門寺梁武帝詔為

特進光祿大夫造領軍司馬王杲之以手敕諭意允曰吾年已五十七月食四斗米不盡何容復有宦情

杜陵遠客

杜甫年五十六在夔州西閣立春日詩巫峽寒江那對眼杜陵遠客不勝悲

始

工詩

本傳唐高適年五十始為詩即工

有濟時意

江南野史辛諱五十不仕而慨然有

濟時

得第

雜錄唐孟郊字東野性介少諧合韓愈一見為忘形交郊年五十得進士第郊為詩

有理趣為愈所稱卒張籍謚曰貞曜先生

加三

樂天詩老校於君年幾許今君半百又加三

今年花前

樂天詩今年花前五十五

長慶秋

樂天詩長慶二年秋我今五十一

三品官

同上身為三品官年已五十八

娶丞相女

孫明復先生退居太山之陽枯槁憔悴

悴鬚鬢皓白家貧不娶故相國文定公李迪就見之歎曰先生年五十一室獨居誰事左右不幸風雨飲食生疾奈何吾弟之女甚賢可以奉先生箕帚先生因固辭文定曰弟女不妻先生不過一官人妻幸壻李氏先生於是曰宰相女不以妻公侯貴戚而固以嫁山谷哀老萊藿不充之人相國之賢古無有也予不敢不成相國之賢名

入中書

分定錄曾公慶歷八年過杭州同僧元達往天竺禮聖像至路口望見有

遂娶之

婦人衣潔獨行而前呼曰上座從曾舍人來耶舍人五十七歲入中書上座其年亦受師號

廬山

高節

雜錄劉渙為潁上令以剛直不屈於上位即棄官家於廬山之陽時年五十歐陽修與渙同年進士

也高其節作廬山詩以美之

衰顏

東坡詩贈寫真道士李得素曰五十之年初過二衰顏記我今

如小學書成

朱文公五十八編小學書成

原六十宿肉

禮記六十宿肉

不親學

不能脩弟子禮

不與戎

六十不與戎政

歲制

禮記六十歲制喪具

養國

杖鄉

禮記六十養於國又六十杖於鄉

頤指

耳順

禮記六十

曰耆指使注指使使人也言不躬親於事也六十而耳順

增年登

旬滿

樂天詩今

歲日餘二十六來歲年登六十二

蘇轍詩年更六十七旬滿三百六

致仕

封王

范文

忠鎮舉孔文仲為賢良文仲對策極論新法之害安石怒罷文仲歸公上疏爭之不報時年六十三即請致仕

疏凡五上

宋曹彬為神武將軍伐蜀克成都堯年六十九真宗臨哭之追封濟陽郡王

刪詩書

序學庸

孔子 朱文公年六
十序大學中庸章句

建大功

為常伯

羊祐

字叔子遊汝水濱父老謂曰孺子有好相年六十建大功既言便去不知所終魏善相者謂應璩曰君六十

二為常伯而當有厄

原居喪不毀

征蠻可用

禮記六十不毀東觀漢記馬

援年六十二請擊五溪蠻帝慰其老未許援曰臣尚能披甲上馬帝令試之援據鞍顧盼以示可用帝笑曰矍

鑠哉是翁遂遣援

增景薄西山

老如盛年

東坡我年六十顏景薄西山

伊川行狀伊川先生謂張繹曰吾受氣薄三十而浸盛四十五十而後全今六十三矣校其筋力如盛年無

損若人待老而保生是猶貧而畜積

心情多少

志氣奮揚

心情多少在六十二

三人 蠕蠕主阿那瓌犯塞詔李崇以本官都督北諸軍事以討之崇辭於顯揚殿戎服武飾志氣奮揚時年

六十九幹畧如少者明帝目而壯之朝臣咸稱善

為博士

漢武帝招賢良文學士時公孫宏年

六十徵為博士

清源丞

唐張柬之年六十三為清源丞善相者曰當位極人臣

原七

十杖國

養學

禮記七十杖于國又七十養于學

賜杖

斲輪

詳受玉杖

注莊子齊威公讀書堂上輪扁斲輪于堂下釋椎鑿而問曰君之所讀者古人之糟粕也夫臣斲輪不徐不疾得之于手應之于心口不能言有數存焉臣不能以喻臣之子臣之子不能受之於臣行年七十而老斲輪

則席

懸車

七十君問則席注則席在席而與言七十懸車

增抱麟

跨鶴

孔子東桑生不知何許人少遇異人授以修鍊之術能辟穀父娶之曰吾不欲為凡世度子孫耳

乃開一室坐養數十年一日謂家人曰吾道成矣遂手畫一鶴于地跨飛而昇時年七十六

原賜

几杖 乘安車

禮記大夫七十而致仕若不得謝則必賜之几杖注不得謝為不聽致仕也

又大夫七十行役以婦人適四方乘安車自稱曰老夫

遇周文 師絳縣

呂望七十

遇文王 絳縣人老矣趙孟曰使吾子辱在泥塗使助為政辭以老與之田使為君復陶以為絳縣師

增答老翁

肖嬰兒

漢使過河東見一女子答老翁翁受杖甚恭問之云此妾之子也昔

舅氏伯山甫以神方教妾使服之不精致此衰老故杖之問其年曰妾一百三十歲兒纔七十餘耳 魯有單

豹者辟世離俗岩居谷飲年七十而猶肖嬰兒

好墳典

罷春秋

趙逸在魏歷中書侍

郎好墳典年七十手不釋卷 下詳後詩

官登三品

俸沾五十

貞觀中張寶藏

為金吾長歸鄴陽路逢少年田獵割鮮食倚樹歎曰張寶藏身年七十未嘗得一食如此傍一僧曰六十日內

官登三品何足數也言訖不見寶藏即時還京師時太宗苦於氣痢衆醫不效寶藏即具疏以乳煎葷方服之立瘥授寶藏鴻臚卿時正六十日矣
樂天詩壽及七十年俸沾五十千
筭得空榔夢

講東堂

安定貞善筭術成帝時貞常自筭其年七十三至期果死又曰北印青隴上孤櫬之西四大所

鑿之七尺吾葬地也貞死依言往掘得古時空榔即以葬焉後漢周磐年七十三謂子曰吾夢先師東里先生與講于東堂之奧既而長歎豈吾齒之盡乎其月卒
原貳膳七十貳膳衣

帛

七十非帛不煖

傳家事

禮記七十老而傳注傳家事在子孫

必與揖讓

七十

者不有大故不入朝若有大故而八君必與之揖讓謂致仕者身飲酒食肉處於內謂居喪也

不與賓客

七十不與賓客之事

古稀

古詩人生七十

酒肉處內

禮記七十唯哀麻在

古來 不知紀年

左傳晉悼公夫人食與人絳縣人或年長矣使之年曰臣小人也不知紀

年臣生之歲正月甲子朔四百有四十五甲子矣其季于今三之一也使問諸師曠曰七十三年

增

恭敬待命

說苑成回學于子路三年回恭敬不已子路問其故何也回對曰臣聞之行者比於鳥上

畏鷹鷂下畏網羅夫人為善者少為讒者多若身不死安知禍罪不施行年七十常恐行節之虧回是以恭敬

待大命子路稽

原何敢釋恭

魯國有恭士者名曰汜行年七十其恭益甚魯

首曰君子哉

君曰何不釋恭汜曰君子好恭以成名小人學恭以除刑行年七十常恐斧鉞之加何敢釋恭

虛左

魏有隱士曰侯嬴年七十家貧為大梁門門者魏信陵君置酒大會客從車騎虛左自迎侯生

七十

為天

南陽酈縣有甘谷水甘美其山上有大菊落水得其滋味谷中三十餘家不復穿井仰飲此水上壽

年百二三年
八十七十為天

圖上方略

趙克國年七十餘圖上
方略請自將擊先零

登祖壽

何允隱若耶山允家世年皆不永惟祖尚之至
七十三九年登祖壽乃移還吳作別山詩一首

言甚悽慘後

劉楊同軌

蜀志陳壽與譙周別周曰昔
孔子七十三劉向楊雄七十

一而沒今吾年過七十庶慕孔子遺風可與劉
楊同軌恐不出後歲必便長逝不復相見矣

至叅

政董德元再薦試禮部合格廷對為天下第一遣報家
政書詩云故鄉若問登科事便是當年老榜官後七十

至叅

大孔三年

北齊使來聘梁訪徐陵春秋陵曰小
如來五歲大孔子三年謂七十五也

升坐

隋文帝幸洛陽公孫景茂謁見時年七十七帝
命升殿坐問其年幾以實對帝哀其老嗟嘆久

之景茂再拜曰呂望八十而遇文
王臣踰七十而逢陛下帝甚悅

占對清明

唐趙昌
德宗召

問狀時年踰七十占對清
明帝奇之復拜安南都護

雉朝飛

韓文牧犢子七十無妻感野雉作雉

朝飛

醉舞

白樂天年七十四賦詩云婆娑醉舞遣
孫扶又云風光拋得地七十四年春

筋力柔彊

王希夷隱嵩山師黃順學養生喜讀周易老
子餌松柏葉雜華年七十餘筋力柔彊刺史

盧齊卿就謁問政答曰已所
不欲勿施于人此言足矣

講乾卦

宋紀宋處士王
昭素有學行太

祖召見便殿年已七十餘令講乾卦至九五欽容對曰
正當陛下今日之事引援証據因示諷諫微旨太祖大
悅問以治世養身之道曰治世莫如愛民養身
莫如寡欲太祖愛其言書于屏風識之不忘

詔不

起范鎮元祐初以詔起鎮曰西伯善養二老來歸漢室
卑辭四臣人侍鎮辭曰六十三而求去蓋以引年七

十九而復來豈
云中禮卒不起

步訪兩蘇

宋巢谷眉山人也紹聖初
軾輟謫嶺海平生親舊無

復相聞者谷獨慨然自眉山徒步訪兩蘇轍驚曰此非
今世人古之人也既見握手相泣已而道平生逾月不
厭時谷年七十三矣將復見賦
中庸先生 張特立元
于海南轍愍其老且病固止之

即首傳旨諭曰張特立養素丘園易代如一今年幾七
十研究聖經宜錫嘉名以光潛德可特賜號曰中庸先
生

原八十致膳

常珍

八十每月致膳
八十常珍

釣渭誌

墓

姜太公 陳堯佐將終自誌其墓曰宋潁川先生堯
佐字希元年八十二不為大官一品不為賤卿相納

祿不為辱三者脩可歸
息于父母棲神之域矣

增增秩

焚邦

孫逖父嘉之
年八十猶為

令逖求降外官乞增父秩帝嘉納拜嘉之宋州司馬致
仕 樊重世善農稼賢至巨萬而賑贍宗族恩加閭井

年八十餘終素所假貸
數百萬遺令焚削文契

蒼髯

雪髯

古詩弟子蒼髯
年八十養生世

世受遺書

又睢陽五老祁國公杜衍年八十詩云花朝月夕隨時樂雪鬢蒼髯滿座春

眼方

行潔

仙人瞳子方陶宏景年八十一眼有時而方管寧名行高潔望之若不可及即之熙熙和易能因

事導人于善人皆化服年八十四

精爽

壽貴

紫霞學道

卒天下知與不知間之莫不嗟歎

妙庭觀其徒甚衆年八十四常精爽一日語徒曰我將

歸矣遂逝

太宗時贊寧充史館編修壽八十四王處

訥推其命孤薄三命禽畧六壬遁甲俱無壽貴之處謂

寧曰師生時正得天貴星臨門必有列土侯王在戶寧

曰母嘗謂某生時方卧草錢文穆王元瓘往臨安拜

瑩至門雨作避于茅簷甚久浣浴襁藉徘徊方去

賜几杖

問籌策

李克字大遜延平中詔舉隱士徵克為博士後年八十以為國三老賜以

几杖

趙克國年八十朝廷有四夷大

議邊陲重事常與參其謀問籌策焉

伯始練事

公度攝生

本傳東漢胡廣字伯始為三公時年已八十而心力猶壯練達事體舊唐書柳公度善

攝生年八十餘步履輕便或祈其術曰吾初無術但未嘗以元氣佐喜怒氣海常溫耳

原齋喪

不及東西必見

禮記八十者東行西行不敢過注不敢過又八十

言道經之必見也

曰耄

說文八十曰耄

鼓缶

易曰是之離不鼓缶而歌則大耄之嗟凶

杖朝

禮記八十杖於朝

五豆

鄉飲酒禮八十者五豆

月制

八十月制喪具

月存

詳上

不俟朝

八十不俟注不待朝事畢歸

非人不煖

八十

復口筭

漢武帝令臣年八十復二筭注二口之笑不入兵革之賦

他罪勿坐

宣帝詔八

十已上非誣告殺傷人他皆勿坐

即驗

平帝詔婦女非身犯法男子八十已上非坐不道詔所名

捕他無得繫當
驗者即驗問之

一子不從政

八十者一
子不從政

二口不預

賦 增天下中庸

六老圖序胡廣字伯始孝廉為天下
第一五遷尚書僕射為太傅時年八

十諺曰萬事不理問伯
始天下中庸有胡公

似老嫗

漢蔡義為丞相年八
十短小無鬚髮髯貌

似老嫗行步俛俻常
兩吏持夾乃能行

過廉頗

呂岱年八十討亂破賊
廖式張承與岱書曰足

下上馬輒自超乘不由
跨躡如此足下過廉頗

其人如玉

晉宋纖字令父年
八十篤學不倦酒

泉太守馬岌造馬纖高樓重閣拒而不見岌銘詩於石
曰丹崖百尺青壁萬尋奇木蒼鬱蔚若鄧林其人如玉

維國之琛室邇
人遐寔勞我心

夢兩疋絹

沈慶之臨賜死時年八十
夢有人以兩疋絹與之曰

此絹足度寤而謂人曰老夫不
免矣兩疋八十尺也足度無餘

諱老

後魏傅永字脩
期為刺史年踰

八十猶能馳射盤馬奮稍
常諱言老自稱六十九

守道彌固

魏韓暨字公至
詔曰暨澡身浴

德志節高潔年踰八十守道彌
固可謂純篤老而益邵者也

年最出羣

唐九老懷
州司馬安

定胡杲年八十九詩云閑居同
會在三春大抵愚年最出羣

尸解

唐杜光庭進取
不利入天台山

學道為道門領袖後遷隱于青城山蜀
王建封為青城先生年八十五尸解去

位尚書

詩韋
公八

十餘位至六尚書五福
惟無富一生誰得如

老福

太平興國宰相張文定
齊賢母魯國夫人年八

十餘太宗召見撫
之曰婆婆老福

貴而且壽

青箱雜記宋張士遜趙
緊張昇皆壽八十六陳

堯佐壽八十杜衍壽八十一富弼壽八十五贈致
政士遜詩曰青雲岐路遊將徧白髮光陰得最多

友

兄司馬溫公與其兄伯康友愛尤篤伯康年八十公奉
之如嚴父保之如嬰兒每食少頃則問曰得毋飢乎

天少冷則問曰
得毋衣薄乎

與造物遊

東坡張方平文集序云公
今年八十二杜門却掃終

日危坐與造物者
遊於無何有之鄉

八十六粒

張文懿為外洪令一道
士熟視文懿頃間出藥

十粒文懿餌之道士微笑復取之九十粒即吐道士止
之使再餌復吐其四實餌八十六粒後年八十六未嘗
有一

州郡肅然

元史卜天璋天歷三年蜀兵起荆楚
大震復拜山南廉訪使人謂公老必

不行矣天璋曰國步方艱吾年八十恒懼弗獲死所
耳敢避難乎遂行至則厲風紀清吏治州郡肅然

壽考康強

列朝詩小傳申時行字汝默嘉靖狀元為元
輔九年而歸歸二十有二年壽八十考終於

里第壽考康強時時與故
人遺老修綠野香山故事

原九十鮎背

鮎齒

釋名
九十

曰鮎背
又九十曰鮎齒

黃耆

凍梨

九十或曰黃耆
又九十曰凍梨

傳經

納訓

濟南伏生年過九十矣失其本經以口傳授尚書國語曰昔衛武公年九十有五儆言于國

曰苟在朝者無謂我老耄而舍我也必恭恪于朝朝夕以警戒我聞一二之言必誦志而納之以訓導我

增凌雪

移山

睢陽五老禮部侍郎致仕王渙九十詩云龐眉老史俱稱壽凌雪喬松豈畏寒

莊子太行王屋二山方七百里高萬仞愚公且九十面山居惡此山將移之操蛇之神聞之告帝帝感其誠

云云原飲食不離寢有問則就室九十者飲食不離寢膳飲從於遊可

也注遊出入也九十者天日秩九十日有秩注秩常膳也曰

修九十日使人受命九十有君命使人受之注不使拜也得人不暖

亦不暖矣九十雖得人有罪不刑禮記九十曰耄有罪不加刑焉家不從政

九十者其家不從政

君就言政

八十九十欲言政者君就之可也

鄉飲六豆

鄉飲酒禮九十者六豆

增左鬢生角

述異記尹雄年九十左鬢生角長寸半

原

甲卒不預

漢武令民年九十復甲卒注不預甲卒之役

增以賢良召

漢書轅固

齊人治詩武帝立以賢良召固諸儒多疾毀固曰固老罷歸之年已九十矣

無影兒

陳留

翁年九十取田父女為婦一交接便生男大男謂非父種數年爭財不決丞相丙吉思維良久言曾聞真人無影老年子亦無影又不耐寒可共試之時八月取同年小兒俱裸體此兒獨啼言寒又並令日中行獨無影方服

原百歲就見

倦勤

禮記曰天子巡狩問百歲者就而見之注就見老人舜

曰耄期倦於勤注百年曰期年已老耄倦於政禮之勤

張蒼飲乳

廖氏餌丹

漢書張蒼口中無齒飲乳妻妾以百數曾孕者不復幸
百餘歲乃卒抱朴子臨沅縣廖氏家世老壽或出百

歲或八九十所居宅井水殊赤掘井左右得古人
埋丹砂數十斛丹砂汁入井是以飲其水而得壽

羅

侯不哀

竇公恒樂

後魏羅結世祖初為散騎常侍遷
侍中年一百七歲精爽不衰詔聽

歸老太寧中賜東川為居業并為築城即號曰羅侯城
新論曰文帝得魏大侯時樂人竇公百八十歲文帝

奇之問何服食而至此對曰年十三失明父母教鼓琴
日以為常無所服藥餌譚以為恒逸樂所以益性命也

期頤

禮記百年曰期頤注期要也頤養
也不知衣服食味孝子要盡孝道

增少昊

史少

昊在位八十
年年百歲

帝嚳

史帝嚳在位七
十年年一百歲

唐堯

備考堯癸
未一百歲

年一百
十七歲

虞舜

尚書舜三十登庸五十
在位壽一百一十二歲

夏禹

備考禹
踐位八

歲年百有六

原無老耄

瀨卿記老聃記其年紀時已一百餘歲無老耄之貌

增賜

西域木

洞冥記東方朔從西域還得風聲木十枝長九尺出甜波上帝以賜羣臣年百歲者此木有疾

則枝汗死則枝折此木五千歲一濕萬歲一枯朔曰臣見此枝三枯死矣

原上壽為此春

酒稱彼兕觥

詩為此春酒以介眉壽又稱彼兕觥萬壽無疆

武伯為祝

淳于奉觴

傳曰公宴于五梧武伯為祝注祝上壽也史記淳于髡曰奉觴上壽一斗徑醉矣

項莊進爵

呂后反卮

漢項莊入為壽注進于尊者獻無疆之壽漢書呂太后

令人酌兩卮鵠酒置前令齊王為壽齊王起帝亦起欲俱為壽太后恐自起反卮注反翻也

增酌

斗以祈

舉觴相屬

詩大雅酌以大斗以祈黃耆宋史浩字直翁淳熙己巳掛冠歸四

明年八十女兄年八十二四弟皆高年同氣至親舉觴相屬朱顏華髮咸壽而康繪為六老圖樓參政熙為之序

鶴髮初生 玉顏常春

蘇詩烹龍為炙玉為酒鶴髮初生千萬壽李白金

骨既不毀玉顏自常春

紅顏綠鬢 金章紫綬

朱文公壽母詩堂中老人壽而

康紅顏綠鬢雙瞳方 雜志 庚章母太夫人加金章紫綬

梅英點髮 老萊戲彩

壽亭詩梅英飛雪點親髮 彙苑老萊子年七十著五彩斑斕之衣以為戲而娛親

啟期三樂

山谷四印

家語孔子遊泰山見榮啟期行郕之野鹿裘帶索抱琴而歌孔子曰先生所以為樂

者何也對曰天生萬物惟人為貴吾既為人一樂也男尊女卑吾既為男二樂也人生有不見日月不免襁褓吾行年九十五矣三樂也貧者士之常死者人之終處常得終吾何憂者孔子曰善哉能自寬者也 黃山谷

贈張叔和曰我提養生之四印君家所有更贈君百戰
百勝不如一忍萬言萬當不如一默無可揀擇眼界平
不藏秋毫
壽比南山
詩如南山之
壽不騫不崩
有親舉酒
山谷
詩金

心地直
玉滿堂空爾為有
親舉酒世上稀

作慶老堂
詳老人一

建眉壽堂
宋張浚母

秦國夫人高壽浚時知
福州就州宅建眉壽堂

簪花上壽
朝野故事淳熙十
二年孝宗再行慶

壽禮詔舊相史浩陳熙伯立班正月朔旦上
率百官簪花用樂上壽於康壽殿推恩有差

老人四

原一老
詩不慙
遺一老
國老
禮記夏后氏養
國老於東序

室老
禮記大
事室老

行

不徒行
禮記君子者老不徒
行庶人者老不徒食

不為禮
禮記老者
不以筋力

為禮

不遺老窮

禮記居鄉以齒而老窮不遺而弟達于州巷矣

隆諸長者

禮記

頌禽隆諸長者而弟達于蒐狩矣注頌分也隆多也

方瞳玉面

拾遺記老聃居山有父老五人

方瞳玉面握青筠杖共談天地乃五方五行之精

增大椿

莊子上古有大椿者以八千歲為春

八千歲為秋而彭祖乃今以久特聞

趨拜強駛

潛確類書趨拜強駛注老而不衰也

三

老

賈山傳養三老於太學

睢陽一老

山堂肆考漢應曜隱睢陽山中與四皓俱被徵曜獨

不至時人語曰商山四皓不如睢陽一老

素髮

史記馮唐白首為郎素髮垂領

三百歲

人文帝典論甘靈有甘始廬江有左慈陽城有郝儉始能行氣儉能辟穀悉號三百歲人

龐眉

皓髮

漢顏驕事詳是以至老注入柳子厚文不遇興詞鬱龐眉之都尉數奇見惜措猿臂之將軍

十日一賜食

山堂肆考漢孔光拜太師平帝詔十日一賜食賜靈壽杖令為省中位坐設几八省

用杖老當益壯本傳漢馬援嘗謂賓客曰丈夫為志窮當益堅老當益壯年迫日

索

山堂肆考馬援征五溪蠻謂友人杜愔曰吾受厚恩年迫日索常恐不得死國事今獲如願八

十校書

蜀志向朗字巨達潛心典籍年踰八十猶手自校書刊定謬誤開門接賢引納後進所

竊已過

蜀志宗預為鎮軍大將軍諸葛瞻初統朝事車騎將軍廖化欲與預共詣瞻預曰吾年踰七十

所竊已過但少一死何求

黃髮期

曹子建詩願以黃髮期養生念將老

於少年輩而屑屑造門耶

八百歲翁

抱朴子孫權時蜀有李河者穴居不食號八百歲翁

九百歲女

九疑山得道羅郁野真誥云此女已九百歲矣

齒危髮禿

任彦昇序

曰齒危髮

禿之老

大耋

陸機詩大耋嗟落暉

何敢便老

本傳宋劉懷珍為江夏王

義恭參軍後見之曰別子多年那得不老答曰公恩未報何敢便老

手寫細書

南史隱逸傳沈

麟士字雲楨年過八十耳目猶聰明手寫細書二三年滿數十篋

七十充選

魏傳孝文詔曰

山陽公尉元鴻臚卿游明根並明允篤誠希世之賢也元以八十之年宜處三老之位明根以七十之齡可充

五更之選

老尚堪行

彙苑吐谷渾冠邊帝謂侍臣曰李靖能復起為帥乎靖即往見房玄齡曰

吾雖老矣尚堪一行

身老齒宿

唐世說李百藥字重規太宗嘗製帝京篇命其屬和歎其精妙

手詔曰卿何身之老而才之壯何齒之宿而意之新乎

子儀為帥

客齋隨筆郭子儀年八十

餘猶為闕內副元帥

香山九老

白居易序曰居易稱香山居士常與胡杲等宴樂皆高年不仕

者人慕之繪
為九老圖

急景頽齡

李義山詩急景倏云暮頽年
寢已衰沈休文詩若蒙西山

藥頽齡
倘能度

西夕年

潛確類書李崖拜太保謂其子曰
不可以西夕之年取法於來今也

不煩樞務

山堂肆考宋太平興國八年趙普罷為武勝
軍節度使帝作詩餞之翼日謂宰相曰昔有

功國家朕昔與遊今齒髮衰矣不欲
煩以樞務擇善地處之因以詩道意

年老及第

本傳
宋梁

瀨年八十二狀元及第謝啟云皓首窮經
少伏生之八歲青雲得路多太公之二年

一月兩經

筵

山堂肆考宋元祐中文彥博致仕居洛司馬光言其
宿德元老宜起以自輔太后乃命平章軍國重事六

日一朝一月兩赴經筵班宰
相上時彥博年已八十一矣

學者師表

元本傳耶律
有尚身為學

者師表數十年海內宗之既以年老力請
還家朝廷復班楮幣七十緡即其家賜之

老人五

原詩魏應璩詩曰古有行人陌上見三叟年各百餘
歲相與鋤禾莠住車問三叟何以得此壽上叟前致辭
內中嫗貌醜中叟前致辭量腹節所受下叟前致辭夜
卧不覆首要哉三叟言所以能長久 又新詩曰少壯
面目澤長老顏色麤麤醜人所惡拔白自洗梳 又阮
瑤詩曰白髮隨櫛墜未寒思厚衣四肢易懈倦行步益
疏遲常恐歲時盡魂魄忽高飛自知百年後堂上生旅

葵 晉張載詩曰氣力漸衰損鬢髮終以皓昔為春月

華今為秋日草 又陸機詩曰軟顏收紅蕊元鬢吐素

華冉冉逝將老咄咄奈老何 宋鮑照代少年時至哀

老行曰憶昔少年時馳逐好名晨結友多貴門出入富

兒鄰綺羅豔華風車馬自揚塵歌唱青琴女彈箏燕趙

人好酒多芳氣散味厭時新今日每相念此事邈無因

寄語後生子作樂當及春 增又鮑照在江陵歎年傷

老詩曰五難未易夷三命戒淵抱方瞳起松髓頽髮凝

桂腦役生良自休大患安足保開簾窺景夕備屬雲外

好翾翾燕弄風嫋嫋柳垂道池瀆亂萍蘋園援美花草

節如驚灰異零落就衰老 原梁范泰詩曰枉生竟何

豫未云倏已老華髮飄悴容苦慮棲懷抱疇昔少年時

皆以歸大造 又簡文帝詩曰昔類紅蓮草自玩綠池

邊今如白華樹還悲明鏡前 又孔壽老詩曰盛年歌

吹日顧步惜容儀一朝衰朽至星星白髮垂 增唐劉

希夷悲白頭翁詩曰洛陽城東桃李花飛來飛去落誰

家洛陽女兒惜顏色行逢落花長歎息今年花落顏色
改明年花開復誰在已見松柏摧為薪更聞桑田變為
海古人無復洛城東今人還對落花風年年歲歲花相
似歲歲年年人不同寄言全盛紅顏子須憐半死白頭
翁此翁白頭真可憐伊昔紅顏美少年公子王孫芳樹
下清歌妙舞落花前光祿池臺文錦繡將軍樓閣畫神
仙一朝卧病無知己三春行樂在誰邊宛轉蛾眉能幾
時須臾鶴髮亂如絲但看古來歌舞地惟有黃昏鳥雀

悲 白居易詠老贈夢得詩曰與君俱老也自問老何
如眼濕夜先卧頭慵朝未梳有時扶杖出盡日閉門居
懶照新磨鏡休看小字書情於故人重跡共少年疎唯
是閒談興相逢尚有餘 又歎老三首曰晨興照清鏡
形影兩寂寞少年辭我去白髮隨梳落萬化成於漸漸
衰看不覺但恐鏡中顏今朝老於昨人生少滿百不得
長歡樂誰會天地心千齡與龜鶴吾聞善醫者古今稱
扁鵲萬病皆可治唯無治老藥 我有一握髮梳理何

稠直昔似青雲光今如素絲色匣中有舊鏡欲照先歎
息自從頭白來不欲明磨拭鵝頭與鶴頸至老常如墨
獨有人鬢毛不得終身黑 前年種桃核今歲成花樹
去歲生嬰兒今年已學步但驚物成長不覺身衰暮去
矣欲何如少年留不住因書今日意徧寄諸親故壯歲
不歡娛長年當悔悟 又漸老詩曰今朝復明日不覺
年齒暮白髮逐梳落朱顏辭鏡去當春頗愁寂對酒寡
歡趣遇境多愴悴逢人益敦故形質屬天地推遷從不

住所怪少年心銷磨落何處 又詩曰昨日復今辰悠
悠七十春所經多故處却想是前身散帙優游老閑居
淨潔貧螺盃中有物鶴氅上無塵解佩收朝帶抽簪換
野巾風儀與名號別是一生人 又詩曰不與老為期
因何兩鬢絲纔應勉天促便已及衰羸昨夜夢何在明
朝身不知百憂非我所三樂是吾師閉目常閑坐低頭
每靜思存神機慮息養氣語言遲行亦携詩篋眠多枕
酒卮自慙無一事少有不安時 又九老會詩曰七人

五百七十歲拖紫紆朱垂白鬚手裏無金莫嗟歎樽中
有酒且歡娛詩吟兩句神還王酒飲三盃氣尚麤冤我
狂歌教婢拍婆娑醉舞遣孫扶天年高過二疏傳人數
多於四皓圖除却三山五天竺人間此會更應無 薛
逢老去也歌曰惆悵人生不滿百一事無成頭雪白迴
首幼累與老妻俱是途中遠行客匣中舊鏡照膽明昔
曾鑒我髭未生朝巾暮櫛不自省老皮皺皺文縱橫老
去也爭奈何敲酒盞唱短歌短歌未竟日已沒月映西

南庭樹柯

張籍短歌行曰青天蕩蕩高且虛上有白

日無根株流光暫出還入地使我年少不須臾與君相逢勿寂寞衰老不復如今樂玉卮盛酒置君前再拜願君千萬年

柳宗元覺衰詩曰久知老會至不謂便見

侵今年宜未衰稍已來相尋齒踈髮就種奔走力不任咄此可奈何未必傷我心彭聃安在哉周孔亦已沉古稱壽聖人曾不留至今但願得美酒朋友常共斟是時春向暮桃李生繁陰日照天正綠杳杳歸鴻吟出門呼

所親扶杖登西林高歌足自快商頌有遺音 宋梁灝

年八十二狀元及第謝恩詩曰天福三年來應舉雍熙

二載始成名饒他白髮巾中滿且喜青雲足下生觀榜

已無同輩在歸家唯有子孫迎也知年少登科好爭奈

龍頭屬老成 李先與杜秀才詩曰南極多老人及見

九代孫君今古儋州氣質清且溫今年八十二頗覺行

步奔白鬚映紅頰疑是羲皇人 魏野壽寇公詩曰仙

藥寧無種靈椿別有根佇期三八後一品見元孫 太

子太師致仕祁國公杜衍年八十詩曰五人四百有餘
歲俱稱分曹與掛冠天地至仁難補報林泉幽致許盤
桓花朝月夕隨時樂雪鬢霜髯滿座寒若以睢陽為盛
事何妨列向畫圖看 文潞公同庚會詩曰四人三百
二十歲況是同生甲午年占得梁園為賦客合成商嶺
採芝僊清談疊疊風生席素髮蕭蕭雪滿肩此會從來
誠未有洛中應作畫圖傳 司馬光率真會詩曰七人
五百有餘歲同醉花前今古稀走馬鬪雞非我事紵衣

絲髮且相輝 蘇轍七十餘詩曰年年醉後飲屠蘇不

覺年來七十餘十二春秋新讀罷五千道德適觀書

明林春澤謝劉中丞商侍御建百歲坊詩曰翠旗谷口

萬松風喘息猶存一老翁詎意夔龍黃閣上猶憐園綺

白雲中擎天華表三山壯醉日桑榆百歲紅願借末光

垂晚照康衢朝暮頌華封 楊廷秀南極老人歌壽叔

父曰淡溪居士登九齡朱顏綠鬢如後生橫拖仙人綵

玉杖倒誦上帝黃庭經璇霄仙籍書姓名丹青染誥金

花綾近來更覺雙眼明
夜抄蠅頭窗下燈
登山臨水兩脚輕
御風騎氣不用行
何人有筆筆無塵
鵝溪一幅為寫真
烏紗白苧坐鼓琴
上有千歲長松青
令威旁舞玄夫聽
箇是南極老人星

增表唐宋璟求致仕表云
臣竊祿簪裳備員廊廟
霜毫生額雪刺滿頭
求歸耕養築墉巖穴
樂太平之世允荷聖朝

原疏後漢班超上疏曰
蠻夷之俗畏壯侮老
臣超犬馬

齒髦常恐年衰奄忽僵仆孤魂棄捐自以壽終屯部誠
無所恨然恐後世或名臣為沒西域臣不敢望到酒泉
郡但願生入玉門關

增序唐白居易九老會詩序曰胡吉劉鄭盧張等六賢
皆多年壽予亦次焉於東都弊居履道坊合尚齒之會
七老相顧既醉且歡靜而思之此會希有因各賦七言
韻詩一章以記之或傳諸好事者其年夏又有二老年
貌絕倫同歸故鄉亦來斯會續命貫姓名年齒寫其形

貌附於圖右仍以一絕贈之云雪作鬚眉荷作衣遼東

華表暮雙歸當時一鶴尤希有何況今逢兩令威

會中遺老

李元典年一百三十六禪師如滿歸洛年九十五

時秘書狄兼謨河南尹盧貞

以年未及七十雖與會而不及列 宋錢明逸睢陽五

老圖詩序曰夫蹈榮名而保終吉都貴勢而躋遐耆白

首一節人生所難今致政宮師相國杜公功成自引得

謝君門燕居睢陽與太原王公河東畢卿沛國朱公始

平馮公咸以耆年掛冠優游鄉梓暇日晏集為五老會

賦詩酬唱怡然相得宋人形於繪事以紀其盛昔白樂
天居洛陽為九老會於圖讖相傳以為盛事距茲數百
載無能紹者以今況昔則休烈鉅美過之 司馬光者

英會序曰昔白樂天在洛與高年者八人遊時人慕之
圖傳于世宋興洛中諸公繼而為之者再矣皆圖形普
明僧舍樂天之故第也元豐中潞國文公留守西都韓
國富公致政在里第皆自逸於洛者潞國謂韓國曰凡
所為慕於樂天者以其志趣高逸也奚必文與地之襲

焉一日悉集士大夫老而賢者於韓公之第置酒相樂
賓主凡十有二人圖形妙覺僧舍時人謂之洛陽耆英
會孔子曰好賢如緇衣取其敝又改為樂善無厭也二
公寅亮三朝為國元老其勲業閎大顯融豈樂天所能
庶幾然猶慕效樂天所為汲汲如恐不及豈非樂善無
厭者與光未七十用狄監盧尹故事亦預於會潞公命
光序其事光不敢辭

御定淵鑑類函卷二百五十七

欽定四庫全書

御定淵鑑類函卷二百五十八

人部十七

九流
傭保

奴婢

九流

原儒家者流

藝文志蓋出於司徒之官助人君順陰陽明教化祖述堯舜憲章文武宗師仲尼以

重其言於道最高然惑者既失精微而解者又隨抑揚違離道本苟以譁衆取寵後進循之是以五經乖析儒

學寔衰此僻

道家者流

詳道

陰陽家者流

藝文志蓋出於

儒之患也

義和之官敬授民時此其所長也及拘者為之則牽於禁忌泥於小數舍人事而任鬼神

名家者

流

又云蓋出於禮官古者名位不同禮亦異數子曰必也正名乎此其所長也及警者為之則苟鉤鉤析亂

而已注警訐也工

墨家者流

又云墨家者流蓋出於清廟之守茅屋采椽是

弔反鉇破也音匹

以貴儉養三老五更是以兼愛選士大射是以上賢宗祀嚴父是以右鬼順四時而行是以非命以孝視天下

是以上同此其所長也及蔽者為之見儉之利因以非禮推兼愛之意而不知別親疎

縱橫家

者流

又云蓋出於行人之官孔子曰誦詩三百使於四方不能專對雖多亦奚以為又曰使乎使乎言當

權事制宜受命而不受辭此其所長也邪人為之則尚詐諛而棄其信也

雜家者流

又云蓋出

於議官兼儒墨合名法此其所長也蓋者為之則漫羨而無所歸心

農家者流

又云蓋出於農

稼之官播百穀助耕桑以足衣食故八政一曰食二曰貨及鄙者為之欲使君臣並耕諄上下之序

小

說家者流

又云蓋出於稗官街談巷語道聽塗說者所作也孔子曰雖小道必有可觀者焉致遠恐

泥是以君子弗為也然亦弗滅也如或一言可采此亦芻蕘狂夫之議也

兵家者流

又云蓋出

古司馬之職洪範八政八曰師孔子曰為國者足食足兵湯武受命以師克亂司馬法是其遺事也自春秋戰國變詐之兵並作漢興張良韓信序次兵法凡百八十二家至成帝命任宏論次兵書為四種

奴婢一

原說文曰男人罪曰奴女人罪曰婢 方言曰秦晉之

間罵奴曰侮燕齊之間養馬者及官婢女廝皆謂之娘

女廝婦人

給事者

周禮注曰男奴女婢鄭司農注云奴罪隸

也男女同名 又曰其奴男子入於罪隸女子入於舂

藁

注云謂坐盜賊則沒入官為奴即今之奴婢古之罪人也

又曰奚三百人注云

今時侍史官奴婢也 方言曰臧角侮獲奴婢賤稱也

荆淮海岱之間罵奴曰臧罵婢曰獲齊之北鄙燕之南

郊凡民男而壻婢謂之臧女而婦奴謂之獲亡奴謂之

臧亡婢謂之獲此皆異方罵奴婢之醜稱也 風俗通

曰古制本無奴婢即犯事者原之臧者被臧罪沒入為

官奴獲者逃亡復得為婢

奴婢二

原漢書曰武帝時募民能入奴婢得以終身復為郎增秩
顧譚別傳曰譚為太常錄尚書事徙交州家無私
積奴婢不滿十人 宋書曰太祖欲北討沈慶之固陳
不可丹陽尹徐湛之吏部尚書江湛並在坐上使湛之
等難慶之慶之曰理國譬如理家耕當問奴織當問婢
陛下欲伐國而與白面書生輩謀之事何由濟上大笑
增齊書曰虞棕治家富殖奴婢無遊手雖在南土而

會稽海味無不畢致焉 王氏彙苑曰劉宏基始病給

諸子奴婢各十五人謂所親曰使賢固不藉多財即不

賢守此亦可脫饑凍 唐書曰肅宗嘗賜元真子張志

和奴婢二人名奴曰漁童婢曰樵青人問其故答曰漁

童使捧釣收綸蘆中鼓枻樵青使蘇蘭薪桂竹裏煎茶

又德宗初即位詔曰邕府歲貢奴婢使其離父母之

鄉絕骨肉之戀非仁也罷之 合璧事類曰孔戣拜嶺

南節度使南方嚮口為貨掠人為奴婢戣峻為之禁

唐書曰張廷珪為監察御史會詔市荆益奴婢廷珪上書荆益奴婢多國家戶口姦豪掠賣一入於官永無脫免南北異宜必至生疾此有損無益也 又曰趙憬位

台宰而第室童獲猶儒生家

已上奴婢總載

原左傳曰斐豹

隸也杜預注云犯罪沒為奴

新序曰昌邑王以側注

冠賜師及儒者後以冠冠奴龔遂免冠歸之曰今以冠

冠奴是奴虜畜臣也 史記曰季布為朱家鉗奴 又

曰樂布嘗為人所略賣為奴賣與燕將臧荼後為都尉

又曰衛青為侯家人少時歸其父使牧羊先母之子
皆奴畜之不以為兄弟青常至甘泉居室有鉗奴相青
曰貴人也官至封侯青歎曰為人奴虜得免笞罵足矣
安望封侯 增又曰原涉遣奴至市買肉奴乘涉氣與
屠爭言斫傷屠者亡是時茂陵令尹公新視事知涉名
豪欲以厲俗遣兩使脅守涉至日中奴不出吏欲殺涉
涉肉袒自縛箭貫兩耳詣廷尉門謝罪 原漢書曰王
鳳羣弟爭為驕侈奴僮以千數 又曰張安世家僮七

百人皆有手技 又曰王莽時匈奴侵寇乃大募天下
囚徒人奴名曰豬突豨勇 後漢書曰彭寵自立為燕
王其蒼頭子密等三人因寵卧寐縛著牀上以寵命呼
其妻入劫取寶物又使縫兩縑囊夜斷寵及妻首盛之
馳詣世祖封為不義侯 又曰劉寬嘗坐有客遣蒼頭
市酒遲久大醉而還客不堪之罵曰畜產寬湏臾遣人
視奴疑必自殺顧左右曰此人也罵言畜產辱孰甚焉
故我懼其死也 東觀漢記曰韓卓臘日奴竊食祭其

母卓義其心即日免之 又曰鄧宏奴醉擊長壽亭長
宏見亭長賞錢五千異日奴得復與宮中衛士忿爭衛
士箠奴宏聞又與五千 梁冀別傳曰梁冀愛監奴秦
宮官至大倉令得出入妻所每見輒屏御者託以言事
因通焉內外兼寵刺史二千石皆謁拜之 風俗通曰
將作大匠陳國公孫志節有蒼頭地餘年十七工書疏
志節為戶曹吏令地餘歸取物地餘馳車馬亡去至丹
陽改姓王名斌字文高遂留為諸曹吏志節拜揚州刺

史郡衣冠子弟皆出斌下乃用之斌乞屏左右叩頭涕
洟曰斌即使君地餘也斌後為蒼梧太守 三輔決錄

曰平陵孟佗盡以家財賂張讓監奴奴慙問佗所欲佗
曰欲得卿曹拜時賓客求見讓者車常數百乘累日不
得通佗後至諸奴拜迎徑將佗車獨入衆謂佗與讓善
爭以珍物賂佗佗得以賂讓 江表傳曰谷利孫權大

奴也 增魏志曰晉室踐祚下詔曰故司空王基著德
立勲不營產業其以官奴二人賜其家 杜蘭香傳曰

晉太康中蘭香降張碩為詩贈碩云縱轡代摩奴須臾就尹善摩奴是香御車奴曾忤其旨是以為御碩說如此晉書桓伊傳曰晉孝武帝召伊飲帝命伊吹笛伊即吹一弄乃放笛云臣於箏分乃不及笛然自足以韻合歌管請以箏歌并請一吹笛人帝善其調達乃勅御妓吹笛伊又云御府人於臣自不合臣有一奴善相便串帝彌賞放率乃許召之奴既吹笛伊便撫箏而歌石虎鄴中記曰石勒字世龍上黨郭季子奴也勒未生

之前襄國有識曰古在左月在右讓言退或入口襄國
字也遂治襄國 前秦錄曰慕容沖進逼長安堅登城
觀之大言責沖曰爾輩奴正可牧羊耳何為送死沖曰
奴則奴矣既厄奴苦欲取爾相代 齊書曰陸澄弟鮮
揚州主簿顧測以兩奴就鮮質錢鮮死子暉誣為賣券
澄為中丞測與書相往返後又牋與太守蕭緬云澄欲
遂子弟之非未近義方之訓此趨販所不為况搢紳領
袖儒宗勝達乎 續搜神記曰勾章張然滯役在都有

少婦遂與奴通然養一狗甚快後還奴欲謀殺張然張
弓拔刀當戶然大喚曰烏龍狗遂咋奴頭然取刀殺奴
以婦付官 王氏彙苑曰滑州刺史王軌為奴所殺以
首奔建德建德曰奴殺主大逆納之不可命斬奴而還
軌首 又曰唐貞觀時有奴告其主謀反者太宗曰謀
反理不獨成尚有他人論之豈藉奴告耶乃著令奴婢
告主者斬 唐書曰哥舒翰有家奴曰左車年十五六
有膂力翰善使槍追賊及之以槍搭其肩而喝之賊驚

顧翰從而刺其喉皆剔高三丈而墮無不死者左車輒

下馬斬首率以為常 王氏彙苑曰李賀出遊常命小

奚奴背一古錦囊以隨得句即貯之 山堂肆考曰宋

李沆字太初一僕逋宅金數十一夕遁去僕有女將十

歲自寫一券繫於帶願賣於宅以償焉沆大惻然祝夫

人曰願如已子育於室及笄擇壻具奩歸之後父歸感

佩刻心骨沆病夫婦割股為羹饋之沆薨縗經三年以

報 又曰宋張齊賢為江南漕日一奴竊銀器數事至

懷中公熟視不問後為宰相廝役多得班行此奴不沾

寸祿乘間泣告公曰爾憶江南盜吾銀器乎吾進退百

官激濁揚清安敢以盜賊薦耶 燉煌實錄曰張存善

針有奴好逃亡存宿則針縮奴足欲使則針解之 元

史列傳曰羊仁廬江人至元初阿珠兵南下仁家為所

掠父被殺母及兄弟皆散去仁年七歲賣為汴人李子

安家奴力作二十餘年子安憐之縱為良仁蹤跡得母

及兄弟家俱為役尚無恙乃徧懇親故貸得鈔百錠歷

詣各家贖之大小二十餘口復聚居為良鄉里嗟之

又曰俞金杭州人幼被掠賣為劉鮫家奴後獲為良自

汴歸杭尋其母及姊得之事母以孝聞 又曰趙一德

隆興新建人至元中被俘至燕為鄭留守家奴歷事三

世號忠幹主阿爾斯蘭以冤被誅羣奴各亡去一德獨奮

曰主家禍吾忍同路人耶即留不去與張錦童詣中書

訴枉狀得昭雪主母太夫人勞一德因分美田廬遣之

一德謝曰一德雖鄙人非有利於是也重哀吾主無罪

而受戮故留以報之今老母八十餘得歸侍養主之賜已厚矣何以田廬為遂不受而去 明列朝詩傳曰李

佶扶溝人早年供青衣之役年三十始折節讀書詩成一家言士夫禮重之 又曰李英以青衣給事南海歐楨伯遂能為詩士大夫與楨伯遊者皆知李生詩愛而傳之天目山人讀李生詩有句云能詩況在方回上戀主寧言穎士非 又曰馬來如李翰林子田之僕也子田內鄉詩選載其詩八首有為主人稱壽及送郎君省

試之作 事文類聚曰宋杜生善易有亡奴者問所從

曰自此行逢使者懇乞其鞭若不可則以情告其人果
值使者如其語使者曰去鞭無以進馬可折道旁菱代
之乃往折菱奴伏其下獲之

以上
奴

原管子曰齊桓公

使管仲求甯戚戚應之曰浩浩乎仲不能知婢子問之
仲曰非婢子所知也婢子曰詩有之浩浩之水育育之
魚未有家室我將安居甯子其欲室乎仲以其言告桓
公 漢書曰傳太后使謁者買諸官婢賤取之復取執

金吾婢八人 東觀漢記曰朱暉為郡督郵太守阮況

當嫁女欲買暉婢暉不與及況卒暉送金三斤問其故
暉曰前不與婢者恐以財污府君今重送欲明已心也

增魏志曰武帝遺令吾婢皆勤苦使著銅雀臺善待

之 又曰初孫權以妹妻先主妹才捷剛猛有諸兄風
侍婢百餘人執刀立先主每入心常慄慄 原蜀志曰

劉琰侈靡侍婢十人皆能為聲樂又悉讀書教誦靈光

殿賦 蜀普錄曰閬州參軍王涉有婢笑春紅死涉念

之洒淚爛損屏簾 搜神記曰晉杜徽家葬而婢誤不
得出十餘年開墓婢尚生云其始如眠有頃漸覺自謂
一再宿初婢之埋年十五六及開時猶十五六嫁之有
子 又曰諸葛恪已被誅其妻在室問婢爾何故血臭
婢忽然起躍至於棟攘臂切齒曰諸葛恪公乃為孫峻
所殺 語林曰裴秀母是婢秀年十八有令望而嫡母
妬猶令秀母親下食與衆賓賓見並起拜之答曰微賤
豈宜如此當為小兒故耳於是父母乃不敢復役之

晉書曰烈宗之母本織坊中婢也形長色黑宮人謂之

崑崙太宗以計幸之有身生烈宗 增又曰桓溫自以

雄姿風氣是宣帝劉琨之儔於北方得一巧作老婢訪

之乃琨妓女也一見溫便潛然泣曰公甚似劉司空溫

大悅出外整理衣冠又呼婢問之婢云唇甚似恨薄眼

甚似恨小鬢甚似恨赤形甚似恨短聲甚似恨雌溫於

是褫冠解帶昏然而睡不怡者累日 又曰干寶父先

有所寵侍婢母甚妬忌父亡乃生推婢於墓中後十餘

年母喪開墓而婢伏棺如生載還經日乃蘇言其父常
取飲食與之恩情如生既而嫁生子 原世說曰石崇
富侈厠旁常令婢數十曳羅幘直之 又曰石崇厠有
十餘婢侍列如厠而出各與新衣出多羞不能如厠王
敦往脫故衣著新衣意氣傲然羣婢謂曰此客必能作
賊 又曰祖納字士言少孤貧至孝常自炊爨養母北
平將軍王敦聞而佳之乃以二婢餉焉因辟為從事中
郎人戲之曰奴價倍於婢訥答曰百里奚亦何必輕於

五殺之皮也 晉中興書曰祖約為丞相從事中郎於

府內為婢所傷司直劉隗奏約患生婢僕身被刑傷解

職還家 皇甫謐列女後傳曰會稽翟素受聘未及配

適遭賊欲犯之臨之以白刃素曰我可得而殺不可得

而辱素婢名青乞代素賊遂殺素復欲犯青青曰向欲

代素者恐被恥獲害耳今素已死我何以生為賊復殺

之 唐書曰李元道時王君廓為幽州都督朝廷以其

武將不習時事拜元道幽州長史以維持府事君廓嘗

遺元道一婢元道問婢所由云本良家子為君廓所掠

因放遣之

增山堂肆考曰唐楊慎矜父塚草木皆流

血懼問所善胡人史敬忠敬忠使身桎梏而坐林中厭
之會婢春草有罪慎矜欲殺之敬忠曰賣之可市十牛
從之婢入貴妃姊家因得見帝帝愛其辯慧留侍左右
問所從來婢奏為慎矜家所賣具言敬忠夜過慎矜坐
庭步星夜分乃去帝大怒後王鉷等作飛牒告慎矜有
詔賜死又曰從事崔郊唐末進士也初有婢端麗善

音律郊寵視之既貧鬻於連帥于頔家得錢四十一萬
寵盼彌深郊思慕不已其婢因寒食來從事家值郊立
柳陰馬上連泣誓若山河崔生贈以詩曰公子王孫逐
後塵綠珠垂淚濕羅巾侯門一入深如海從此蕭郎是
路人或有嫉郊者寫詩於頔座頔覩詩令召崔生曰此
詩是公作耶遂命婢與生同歸東軒筆錄曰鍾離君
買一婢以從嫁其婢執箕箒至堂前熟視泣曰幼時我
父於此地穴為球窩導我戲劇也鍾離君曰汝父何人

曰我父兩政前令身死家破流落民間令詢實以書抵
許令曰吾買婢得前令之女憐而悲之義不可久辱當
輟吾女嫁資先為求婚更俟一年別為吾女營辦奩篋
以歸君子可乎許君答書曰遂伯玉恥獨為君子願前
令女配吾子君別求良媒以嫁君子於是前令之女卒
歸許氏 異錄傳曰廬陵歐明商行經彭澤湖每以物
投湖中為禮後見湖中有吏著禪衣乘馬云青洪君使
要明道至一府舍吏曰青洪感君以禮必有重送者皆

勿取但求如願明從之青洪君不得已呼如願送明去
如願者神婢也所願輒得數年大富以上婢

奴婢三

原周奚

晉隸

鄭元周禮注曰古者從坐男女沒入縣官曰奴婢其有才智者以為奚下詳

奴婢

遺賈

賜光

史記曰諸呂擅權陸賈曰天下安注意相天下危注意將將相和調

則士豫附陳平結歡太尉以奴婢百人遺賈漢書宣帝詔大司馬光宿衛忠正宣德明恩前後賜奴婢百七

十人 鄭泥中

龐黿下

世說曰鄭康成家奴婢讀書嘗使一婢不稱旨將撻之方自陳

說康成怒使人曳著泥中須臾復一婢來問曰胡為乎泥中荅曰薄言往訴逢彼之怒風俗通曰南陽龐儉

少失其父後居廬里鑿井得錢千餘萬行求老蒼頭使主牛馬耕種直錢二萬有賓婚大會奴在竈下竊言堂上母我婦也婢即具白母母使儉問曰是我翁也因下堂抱其頸啼泣遂為夫婦儉及子歷二千石刺史七八人時為之語曰廬里諸

麗鑿井得銅買奴得翁

沈當問耕

劉使執杼

上詳

奴婢

二劉謚之與天公牋曰在於建寧之邑始得數年相違方得教奴學耕使婢執杼

胡婢善射

夷奴作石

三輔決錄曰金祿為郡上計留在許都時魏武使長史伍必將兵衛天子於許都祿

與必善必見祿有胡婢善射必常從請之從役也林邑記曰范文夷師奴也以刀斫石障如斬蘆葦後為國

王禮有不為律限多畜者與未甌者皆不為奴注

有爵者謂命士已上甌七八歲初毀齒者是也哀帝詔諸侯王以下及豪富人多畜奴婢有司條奏諸侯王

奴婢二百人列侯公主百人關內侯吏人四十人年六十以上七十以下不在此數犯者以律論過則沒縣官

豈惟炊爨之勞 抑亦巾箱之寵 苟古今之可徵

雖微賤而何害 乃生無恤終因子貴見後子必貴注 作

殯王父未爽夫賢

以上奴婢總

負續

罵兢

後漢書李善字次孫本李

元蒼頭也建武中元家疾疫相繼死沒唯孤子續始生數旬諸奴婢欲殺續分產善傷不能止負續逃亡瑕邱界中親自奉養乳為生汁推燥居溼雖在孩時奉之如長君每事長跪請白而後行閭里感之續年十歲然後與善歸本縣理舊業告奴婢於長吏悉收殺之鍾離意上書言狀世祖詔拜善及續並為太子舍人後為本郡太守路經元墓躬自除草洒道自執爨修饌祭祀拜辭涕泣而去 初班固在竇憲幕府有奴于洛陽令种兢

車騎吏呵之奴醉罵兢兢大怒時畏憲不敢發
及憲敗賓客皆逮拷兢捕繫固固遂死於獄中
陪臺

執事

逃而舍之是無陪臺
執煩辱之事

十指

五尺

漢書僮手指
千比千乘之

家

李令伯表曰內

增廬兒

家僕

漢蕭望之傳王
仲翁補大將軍

無應門五尺之童

出入從蒼頭廬兒注漢名奴為蒼頭諸給事殿中所居
為廬蒼頭侍從因呼為廬兒史記與家僕雜居齊處

也

典琴

執鞭

啓顏錄北齊元景有奴名典琴
考晉陶侃家僮千餘有胡奴者不喜

肆

言常默坐侃一日出郊奴執鞭隨胡僧見而驚禮云
此海山使者也因而墮淚侃異之至夜失奴所在

助勞

怙勢

晉陶淵明為彭澤令不以家累自隨送一
力給其子書曰汝旦夕之費自給為難今

遣此力助汝薪水之勞此亦人子可善遇之
唐劉子華為昭應令宰相元載有別墅以奴主務自稱郎將怙

勢暴縱租賦未嘗入官子華因奴入謁
收付獄發其宿罪杖殺之一邑震伏

作車 鋤藥

韓愈送窮文主人使奴星結柳作車縛草為船奴星
韓奴名 唐施肩吾詩鋤藥催老叟焚香呼小青

癩鬚

蓬首

見後王褒辭 輟耕錄許魯齋在中書日
命牙僧僱一僕役特選一能應對閑禮節

者進却之曰特欲老實耳他日領
一蓬首垢面愚騃之人來遂用之

易酒

取漿

唐陽城嘗

絕糧遣奴求米奴以米易酒醉卧於路城怪其不還與
弟迎之未醒城乃自負以歸及醒謝罪城曰天寒而飲

何責焉

唐竇軌戒家奴無出外忽遣奴取漿

恃愛

公廚既而悔焉曰要當借汝頭以明法命斬奴

感恩

漢霍光監奴馮子都有殊色光愛幸之常
與計事頗挾權傾都邑 下詳奴婢一

愛

才 化德

唐蕭穎士有奴事穎士十年笞楚嚴慘或勸
其去答曰非不能去愛其才耳 唐陽城值

歲飢屏跡不過鄉里屑榆為粥講論不輟有奴都
兒化其德亦方介自約或哀其餒與之食不納

原

舍人斷席

平頭提箱

史記任安為衛將軍舍人過平陽主家主家設食與騎奴同席

而食安拔佩刀斷席別座古詩曰足下絲履五文章平頭奴子提履箱

增引泉灌蔬

接水釀酒

見泉西陽雜俎魏賈璿有蒼頭善別水常令乘小艇於黃河中以鉢飽接河源水經宿

色如絳以釀酒名崑崙觴芳味世所絕有

訴主藏甲

買奴置田

唐本傳大理卿

馬曙有犀鎧數十具懼而瘞之奴王慶以怨告曙藏甲異謀按之無他狀竟投曙嶺外慶免罪魏墓引律固爭

乃論慶死

史記季布楚人也項羽滅高祖購求布千金布匿漢陽周氏周氏迺鬻鉗季布之魯朱家所賣之

朱家心知是季布

乃買而置之田

不肯酤酒何事執燭

見王褒僮約後魏

甄琛舉秀才入都嘗與客奕碁蒼頭執燭或睡則加杖
奴曰郎君若為讀書執燭不敢辭今博奕是何事也琛
大慙遂研習經史

執鑪

添香

肆考漢尚書郎入直給侍史二人選端正妖麗

者執香鑪護衣下見後詩

主爨

掌牋

上詳奴婢一肆考唐潞州節度使薛嵩有青

衣紅線能彈阮咸通經史

原翻羹汚衣

覆酒就杖

東觀漢記曰劉寬性簡略夫人試寬志伺當朝會裝嚴
已訖使婢奉肉羹翻汚朝衣婢收之寬神色不異乃徐

列女傳曰周室大夫仕於周妻淫

於鄰主父還恐覺之為毒藥使婢進之婢私曰進之恐

殺主父告之恐殺主母因僵覆酒主父怒而笞之妻恐

婢言之因他故過欲殺婢婢就杖將死而不言主父弟

聞之復以告主父主父放其妻

將納婢辭以自殺乃厚幣嫁之

增吹簫降羌

肆考後魏河間

王琬為秦州刺史諸羌叛屢討之不降有婢曰朝雲善吹篳王令朝雲假為貧媼吹篳而乞諸羌聞之悉皆流涕即相率歸降秦人語曰快馬健兒不如老嫗吹篳

唐羅遜嘗有以婢遺之者遜問所從來答曰女兄九人皆為官所賣留者獨老母耳遜慘然焚券召母歸之彙苑柳子厚為柳州其俗以男女質錢約不時贖如子本相侔則沒為奴婢子厚為設方計悉令贖歸以上婢

奴婢四

原改曰私屬

漢書王莽曰秦置奴婢之市與牛馬同籍今改令婢曰私屬禁不得買賣也

灸灼

光武詔敢灸灼奴婢論如律免所灸灼者為庶人

拘制

又詔吏人遭亂為青徐賊所掠

責為奴欲恣聽之敢拘制以掠人論也

詔殺者罪

又詔天地之性人為貴殺奴婢者不得減

其除傷人律

又除奴婢射傷人棄市律

廝臺掠民

唐安樂公主與長寧定安

三家廝臺掠民子女為奴婢左臺御史索從一縛送獄主入訴帝為手詔諭免從一曰陛下納主訴縱奴騶掠

平民何以治天下臣不忍屈陞下法以偷生也以上奴婢總

著丹書

傳樊豹隸也著於丹書藥

氏之力臣曰督我國人懼之樊豹曰苟焚丹書我殺督戎宣子喜曰所不焚丹書者有如皎日遂殺督戎注豹

犯罪沒入官奴以丹書其罪

操箠出主

戰國策楚公子微服過宋門者難之其僕操箠而罵

曰隸也不力門者出之

告官

田儋陽為縛其奴從少年之廷欲謁殺其奴注古者殺奴婢皆告官

如不告者罪之

為奴報讐

史記樂布為奴於燕為家主報讐也

八百人

又司馬相

如傳卓氏富家僮八百人

誤殺子

東漢宋則為鄢陵令則子年十歲與蒼頭共弩射絃斷矢激誤

中子即死奴抱頭

匿主子

本傳晉祖逖有胡奴曰王就戮則察而恕之安者逃甚愛之及逖子紹

之誅安歎曰豈可使士雅無後乎乃往就市觀刑逖庶子重道始十歲安竊取以歸匿之變服為沙門

善文章

晉書郝愔字方回有蒼頭善知文章王羲之愛之每稱奴於劉惔惔問何如方回羲之曰小人

耳何得比郝公愔曰

有士風

雄翹嘗為石崇蒼頭性不如何方回故常奴耳庶直有士風潘岳見而

稱異勸崇免

二百歲

世說云并州刺史畢軌送故漢之乃還鄉里度遼將軍范明友鮮卑奴年二

百五十歲言語

增崑崙奴

漢武帝寵一崑崙奴嘗以杖擊羣臣

善騎

飲食如常人

唐王毛仲父坐事沒為官奴生毛仲長事臨淄王王射出路州有李守德者為人奴善騎射王市得之與毛

仲並 銀杯羽化

唐柳公權善書公卿贈巨萬多為主藏奴海鷗龍安盜用嘗別貯杯盃一筭緘

勝如故而器皆亡奴妄言叵測者公權笑曰銀杯羽化矣不復詰

待以忠信

宋程明道雖奴

婢必待以忠信嘗自澶淵遣奴持金詣京師奴無父母妻子同列聞之皆駭且謂既而奴持物如期而歸衆咸

歎服 守主不離

洑水記聞王遠者屯田郎中李墨僕夫也事墨久既而去墨應募為兵選入捧

日軍凡十餘年會墨以子學妖術父子械繫御史臺上怒甚治獄急墨平生親友無一人敢餉問之者遠旦夕

守臺門不離四十餘日墨坐貶恩州別駕諸子皆流嶺外從者皆辭去數日墨忿恚死旁無家人遠使母守其

屍為治喪事哭如親父子殯墨於城南僧舍然後去

以上奴

原侍史

周禮女酒女漿女籩女醢

女醢女纂女鹽注古者從坐男女沒入縣官為奴今之御史官婢也以巾覆物曰纂

女祝

女婢曉祝

之事

女史曉書

女工曉裁

子必貴史記姑布子卿見無卹曰此真將軍

也簡子曰此母賤翟婢也曰天之所授母雖賤子必貴也

贖父又曰太倉令淳于公將刑少女緹縈

上書請沒身為奴贖父死罪

隨軍後漢書馮緄為車騎將軍平定荊州振旅還京監軍張敞承宦

官指奏緄將傳婢

認盜紫金別傳後漢梁冀認士孫奮母以為守藏婢盜白

珠紫

累騎世說阮咸素愛幸姑婢婢從姑去時方有客咸借客馬追姑家婢既及與婢累騎而

還客

妖可滅晉書郭璞愛主人舍散之主人晨起見赤豆三斗繞主人

非之人數千圍其家就視即滅主人請璞為卦璞曰君家不宜畜此婢可於東南二十里賣之勿爭價妖可滅主人

從之璞陰使人賤買此婢復為符投井中赤衣人皆反縛一一自投井中主人悅璞乃攜婢而去

丸

藥

陳壽居喪使婢丸藥客見之沈累數年

歌團扇

晉樂志團扇歌者中書令王珉與嫂婢有

情愛甚篤嫂婢過苦其婢素

善歌而珉好把團扇故製此歌

增著約令還

肆考李

蜀時蜀人多鬻女為人婢德裕為著科約凡年十

三而上執三年勞下者五歲及期則令還其父母詐

疾送還

小說柳仲郢鎮西川日嘗怒出婢鬻於大校蓋巨源宅蓋臨街呼賣鱸者親於東內手揣厚薄

酬酢可否婢於窗隙偶見因作中風狀失聲仆地因令

送還既出外舍或問之婢曰我曾服事柳家郎君豈忍

更事賣絹牙郎

耶以上婢

奴婢五

原詩晉張翰周小史詩曰翩翩周生婉孌幼童年十有

五如日在東香肌柔澤素質參紅團輔圓頤齒齒芙蓉
爾形既淑爾服亦鮮輕車隨風飛霧流煙轉側倚靡顧
盼便妍和顏善笑美口善言 劉夷道詠死奴詩曰丹

籍生涯淺黃泉歸路深不及江陵樹千秋常作林 唐

喬知之綠珠篇曰石家金谷重新聲明珠十斛買娉婷
此日可憐只自許此時可愛得人情君家閨閣不曾難
恒將歌舞借人看意氣豪雄非分理驕矜勢力橫相干
辭君去君終不忍徒勞掩面傷鉛粉百年離別在高樓

一代紅顏為君盡 增温州刺史朱褒悼亡奴詩曰魂

歸冥漠魄歸泉只住人間十五年昨日施僧袈帶上斷

腸猶繫琵琶絃

唐人亡者過七日則以其衣物施僧事見楊氏喪儀

杜甫示獠

奴阿段詩曰山木蒼蒼落日曛竹竿裊裊細泉分郡人

入夜爭餘瀝豎子尋源獨不聞病渴三更回白首傳聲

一注溼青雲曾驚陶侃胡奴異怪爾常穿虎豹羣 白

居易誚失婢詩曰宅院小牆庠坊門榜帖遲舊恩慙自

薄前事悔難追籠鳥無常主風花不戀枝今宵在何處

惟有月明知 前題劉禹錫和曰把鏡朝猶在添香夜
不歸鴛鴦拂瓦去鸚鵡透籠飛不逐張公子即隨劉武
威新知正相樂從此脫青衣 韓愈詩曰玉川先生洛
城裏破屋數間而已矣一奴長鬚不裹頭一婢赤腳老
無齒 宋黃庭堅余成詩并序曰役者余成忠信不貳
事鄙八年未嘗見其過其畏得而好德畏不善而慎罰
躬行而心安樂問其部位蓋自其少時至於今役六十
年矣猶一日也察其私持廉甚謹而遠名吾嘗與僚友

論其人雖古之學問士大夫木強而厚於德如第五公
胡威未能遠過此也其人豈子夏所謂雖曰未學吾必
謂之學矣者乎吾貧不能脫其役與之同歸江湖之上
因作詩以識愧云丹籍生涯無列鼎白頭忠信可嵩城

自非車騎將軍勢愧使王尼常作兵

按王尼晉人嘗為
兵在大將軍幕府

洛中名士皆與友大
將軍聞之遂得離兵

劉克莊老奴詩曰少賤腸枵破

褐單傍人門戶活飢寒自從毀齒初成券直至長鬚尚
不冠冷炙時霑筵上餽禿芒旋埽白邊殘他時縱取封

侯印僅得君王踞廁看

明楊基贈跛奚詩曰人笑跛

奚譬是我愛跛奚跛蛇雖百跂連變亦一足可履平疑履
驚歷險若箕簸立如鷺聯拳行類驚魑魍形歌裊長前
肩脅羈短左非斲涉寒脛豈刖獻玉踝附婁涉水阨晒
卻構兵禍疾同哀駘佗怒及趙女嫫觸屏屢思倚守戶
每得坐戒奚勿躁步世路方輒軻

原賦後漢蔡邕青衣賦曰金生砂礫珠出蚌泥歎茲窈

窕產於

一作散在

卑微盼倩淑麗皓齒蛾眉元髮光潤領如

螭蟻縱橫接髮葉如低葵修長冉冉碩人其頤綺袖丹
裳躡蹠絲扉盤跚蹠蹠坐起低昂和暢善笑動揚朱唇
都冶斌媚卓犖多姿精慧小心趨事如飛中饋裁割莫
能雙追閼雎之潔不蹈邪非察其所履世之鮮希宜作
夫人為衆女師伊何爾命在此賤微代無樊姬楚莊晉
妃感昔鄭季平陽是私故因錫國歷爾邦畿雖得嫵婉
舒寫情懷寒雪繽紛充庭盈階魚裳累鎮展轉倒頽吻
昕將曙雞鳴相催飭駕趣嚴將舍爾乖矇冒矇冒思不

可排停停溝側噉噉青衣我思遠逝爾思來追明月昭
昭當我戶扉條風狎躡吹予牀帷河上逍遙徙倚庭階
南瞻井柳仰察斗機非彼牛女隔於河維思爾念爾愁
焉且飢 張安超誚青衣賦曰彼何人斯悅此豔姿麗
辭美譽雅詞斐斐文則可嘉志鄙意微鳳兮鳳兮何德
之衰高岡可華何必棘茨醴泉可飲何必洿泥隋珠彈
雀堂谿刈葵鵲雛啄鼠何異於鴟歷觀古今禍福之階
多由孽妄淫妻書戒牝雞詩稱哲婦三代之季皆由此

起晉獲驪戎斃壞恭子有夏取仍覆宗滅祀叔肝納申

聽聲狼似穆子私庚豎牛餒已黃歇之敗從李園始魯

受齊樂仲尼逝美文公懷安姜誚其鄙周漸將衰康王

晏起畢公喟然深思古道感彼闕睢德一作性不雙侶但

願周公妃音配以窈窕防微消漸諷諭君父孔氏大之列

冠篇首晏嬰潔志不顧景女及雋不疑奉霍不受見尊

不迷況此麗豎三族無紀綢繆不序蟹行索妃旁行求

偶婚無媒理宗廟無主門戶不名依其在所生女為妾

生男為虜歲時酹祀詣其先祖或於馬廐廚間竈下東
向長跪接神觴酒悉請諸靈僻邪無主多乞少出銅丸
鐵柱續繒累纒皆來集聚姁婉歡心各有先後臧獲之
類蓋不足數古之贅壻尚猶塵垢況明智者欲作叔父
勤節君子無當自逸宜如防水守之以一秦穆思讐故
獲終吉

原牋 喬道安與天公牋曰奴曰高安兩手並殘指如
竹筒畏風惡寒小者家生厥名曰饒腹中瘕堅大如飯

簞飽食終日不能作勞借一小兒僮公吳母近因冬節
暫詣其舅狗咬其脛肉落如手攣觔徹骨跂而不愈長
婢來成左目失明動則入井已死復生次婢良信有桓
公司馬之疹行步雖曠了無前進隱疾難明辭不盡韻
小婢從成南方之奚形如驚鷹言語嘍厲聲音駭人唯
堪驅雞茲無所役遣詣阿稽復被狗咋困熟如泥

原書梁簡文帝答安吉公主餉胡子書曰方言異俗極
有可觀山高水遠宛在其邈不使去來執轡婉彼青衣

正當出入燒香還依丹轂豈直王濟女奴獨有羅袴方
使樂府行胡羞論歌舞垂膝新奇伏增荷抃

原辭前漢王褒責髯奴辭曰我觀人鬚長而復黑冉弱
而調離離若綠坡之竹鬱鬱若春田之苗因風披靡隨
風飄颻爾乃附以豐頤表以蛾眉發以素顏呈以妍姿
約之以絀綫潤之以芳脂莘莘翼翼靡靡綏綏振之發
曜黝若元珪之垂於是搖鬢奮髭則論說虞唐鼓髻動
鬣則研覈否臧內育環形外闡宮商相如以之都雅頡

孫以之堂堂豈若子髯既亂且赭枯槁禿瘁劬勞辛苦
汗垢流離汙穢泥土儻囁穰擣音而與塵為侶無素顏可
依無豐頤可怙動則困於總滅靜則窘於囚虜薄命為
髡正著子頤為身不能庇其四體為智不能御其形骸
癩鬚瘦面常如死灰曾不如犬羊之毛尾狐狸之毫釐
為子鬚者不亦難哉

原約漢王褒僮約曰蜀郡王子淵以事到煎上寡婦楊
惠舍有一奴名便了倩行酤酒便提大杖上冢巔曰大

夫買便了時但約守冢不約為他家男子酤酒子淵大
怒曰奴寧欲賣耶惠曰奴父許人人無欲者子即決賣
券之奴復曰欲使皆上券不上券便了不能為也子淵
曰諾券文曰神爵三年正月十五日資中男子王子淵
從成都安志里女子楊惠買夫時戶下髥奴便了決賣
萬五千奴從百役使不得有二言晨起早歸食了洗滌
居當穿白縛帚裁孟鑿井浚渠縛落鋤園研陌杜埤
地刻大枷屈竹作杷削治鹿盧出入不得乘馬載車蹠

音脾

坐大呶下牀振頭垂鉤刈芻結葦臘鱸沃水酪佐醢

音祖

醢音莫織履作麤黏雀張鳥結網捕魚繳鴈彈鳧登山射

鹿入水捕龜後園縱養鴈鶩百餘驅逐鴟鳥持梢牧豬

種薑養芋長育豚駒糞除常潔

一作堂廡

餽食

音伺

馬牛鼓四

起坐夜半益芻二月春分陂隄杜疆落葉披椶種瓜作

昨瓠別茹披蔥焚槎發疇壘集破封日中早歲

音衛

雞鳴

起春調治馬驢魚落三重舍中有客提壺行酤汲水作

鋪音甫滌盂整案園中拔蒜斲蘇切脯築肉臠芋膾魚鮓

鼃烹茶盡鋪已而益藏關門塞竇餒豬縱犬勿與鄰里
爭鬪奴但當飯豆飲水不得嗜酒欲飲美酒唯得染唇
漬口不得傾盃覆斗不得晨出夜入交關伴侶舍後有
樹當栽作船下至江州上到煎主為府掾求用錢推訪
惡敗搜索綿亭賁席往來都洛當為婦女求脂澤販於
小市歸都擔泉轉出旁蹉牽犬販鷺武陽買茶楊氏池
中擔荷往來市聚慎護姦偷入市不得夷蹲旁卧惡言
醜罵多作刀弓持入益州貨易牛羊奴自交精慧不得

癡愚持斧入山斷槩裁轅若殘當作俎机木屐及甌盤

焚薪作炭

力罪反

石薄岸治舍蓋屋書削代牘日暮已

歸當送乾薪二三束四月當披五月當穫十月收豆多

取蒲芋

音佇

益作繩索雨墮無所為當編蔣織箔植種桃

李梨柿柘桑三尺一樹八尺為行果類相從縱橫相當

果熟收歛不得吮嘗犬吠當起驚告鄰里棖門拄戶上

樓擊鼓荷盾曳矛環落三周勤心疾作不得遨遊奴老

力索種莞織席事訖欲休當

一作常

春一石夜半無事浣

衣當白若有私錢主給賓客奴不得有姦私事當關白
奴不聽教當答一百讀券文訖詞窮咋索佗佗扣頭兩
手自縛目淚下落鼻涕長一尺當如王大夫言不如早
歸黃土陌蚯蚓鑽額早知當爾為王大夫酤酒不敢作
惡

增文宋黃山谷詔跋奚文曰女弟阿通歸李安詩為置
婢無所得乃得跛奚蹢躅離䟽不利趨走主人不悅尉
人怒罵黃子笑之曰堯牽羊而舜鞭之羊不得食堯舜

俱疲百羊在谷牧一童子草露晞而出草霧溼而歸不
亡一羊在其指揮故曰使人也器之物有所不可則亦
有所宜呼跛奚來前善為若詔之汝能與壯士拔距乎
能與羣狙賦茅乎能與八駿取路乎能逐三窟狡兔乎
皆曰不能曰是固不能閨門之內固無事此今將詔若
可為者晨入庖舍滌錙淪釜料簡蔬茹留精去穢鬻肉
法欲方膾魚法欲長起漉如截肪煮餅深注湯和糜勿
投醯醢白晚用薑蔥滌不用焦旋菹不用黃飯不欲著

牙揚盆勿駐沙姨媼臨食爬垢掩髮染指舐杓噉齧懷
骨事無大小盡當關白凡前之為汝能之否跛奚對曰
我缺於足猶全於手如前之為雖勞何咎黃子曰若是
則不既有用矣乎皆應曰無不滿意

傭保一

原史記曰荆軻死高漸離變姓名為人傭保作於宋子
縣久之作苦聞其家堂上客擊筑不能去彷徨從者告
其主使擊筑一坐稱善又曰藥布與彭越為家人

鷗冠子曰伊尹酒保立為世師 增後漢書曰公沙穆

來遊太學無資糧乃變服客傭為吳祐賃舂與語大驚

遂共訂交於杵臼之間 又曰杜根字伯堅永初時鄧

后臨朝權在外戚根以帝長宜親政上書直諫太后大

怒令盛以縵囊於殿上撲殺之執法者以根知名私語

行事人使不加力載去城外得蘇因逃為宜城山中酒

家保積十五年酒家知賢厚敬待之 元史列傳曰郭

回素貧年六十無妻奉母寄宿神祠中營養甚艱母卒

回傭身得錢葬之 明詩小傳曰谷淮字文東客於淮

陽傭書穉而秀頗好博覽仿文徵仲書法給事澄江張

學士家

傭保二 傭賣附

原傭耕

賃載

陳勝少時常與人傭耕輟耕隴上而歎

多財用亦屈當時為大司農任人賓客僦賃多逋負以此陷罪貶為庶人注僦賃受雇賃而載言當時保賃其

賓客於司

農載運

轉移

救助

周禮太宰以九職任萬民九曰閒民無常職轉移執事注

閒民謂無業者轉移為人執事閒人若今之傭人又云移用其人轉相救助

揆日

計傭

廢事 食力 揆以時日 計其功用 原傭賣販

繒 燒塼

淮嬰 王高畫則傭賃夜則燒塼

傭保三

原賃春

梁鴻字伯鸞賃春

傭書

後漢班超貧常傭書

賣傭

彭越為家人時窮困

賣傭於齊

僕賃

傳中鮮虞僕賃於野

飽食而已

魏焦先自有蝸舍淨埽

為酒家保

其中呻吟獨處

飢則為人客作飽食而已不取其直

誦書亦偏

吳闕澤貧常為人傭書以供紙

筆所寫既畢


增借書

元史趙宏毅字仁卿少好學家貧無書傭於巨室畫則為役夜

誦之亦偏

則借書讀之或閱其志

但使總其事而不役焉



御定淵鑑類函卷二百五十八